



Handwritten markings, possibly a signature or date, located in the lower right quadrant of the page.

備急千金要方卷第十四 小腸腑

朝奉郎守太常卿充秘閣校理判登聞檢院護軍賜緋魚袋臣林億等校正

小腸腑脉論第一

小腸虛實第二

舌論第三

風眩第四

風癩第五

心風驚悸第六

好忘第七

小腸腑脉論第一

論曰小腸腑者主心也舌是其候也心合於小腸小腸者受

盛之腑也號監倉吏重二斤十四兩長二丈四尺廣二寸四

分難經甲乙云長二丈二尺大後附脊左回疊積其注於回

腸者外傳臍上回運環反十六曲常留水穀二斗四升其二

斗二升是水一斗二升是穀應主二十四氣也難經云十六

乙四升受水六升三合合之太半甲脣厚人中長以候小腸

小腸病者少腹痛腰脊控睪而痛時窘之復耳前熱若寒甚

獨肩上熱及手小指次指之間熱若脉滑者脉經作陷此其

候也

少腹控睪引腰脊上衝心邪在小腸者連睪系屬於脊貫肝

肺絡心系氣盛則啟逆上衝腸胃動肝肺散於育結於臍故

取之育原以散之刺太陰以與之取啟陰以下之取巨虛下

廉以去之按其所過之經以調之

左手關前寸口陽絕者無小腸脉也苦臍痺小腹中有疝瘕

主月即冷上搶心刺手心主治陰心主在掌後橫文中入一分

左手關前寸口陽寤者小腸實也苦心下急熱痺小腸內熱

小便赤黃刺手太陽治陽手太陽在手小指外側本節陷中  
小腸有寒其人下重便膿血有熱必痔

小腸有宿食常暮發熱明日復止

小腸脹者少腹臘脹引腹而痛

心前受病移於小腸心欬不已則氣與欬俱出

厥氣客於小腸夢聚邑街衢

心應皮皮厚者脉厚脉厚者小腸厚皮薄者脉薄脉薄者小  
腸薄皮緩者脉緩脉緩者小腸大而長皮薄而脉沖小者小  
腸小而短諸陽經脉皆多紆屈者小腸結

扁鵲云手少陰與太陽為表裏所以表清裏濁清實濁虛故  
食下腸實而胃虛故腑實而不滿實則傷熱熱則口張口為  
之生瘡虛則傷寒寒則便泄膿血或發裏水其根在小腸先  
從腹起方在治水篇中

小腸絕不治六日死何以知之髮直如乾麻不得屈伸白汗不止

手太陽之脉是動則嗑痛頷腫不可以顧肩似拔膈似折是主液所生病者耳聾目黃頰頷腫頸肩膈肘臂外後廉痛

支別以見心藏部中

小腸虛實第二脉二條方三首灸法三首

小腸實熱

左手寸口人迎以前前脉陽實者手太陽經也病苦身熱來去汗不出心中煩滿身重口中生瘡名曰小腸實熱也

治小腸熱脹口瘡柴胡澤瀉湯方

柴胡

澤瀉

橘皮

一方用桔梗

黃芩

枳實

旋復花

升麻

芒消

生地黄

物一

右九味咬咀以水一斗煮取三分去滓下芒消分三服  
大黃丸調小腸熱結滿不通方

大黃

芍藥

葶藶各二兩

大戟

枳消各三兩

杏仁伍拾枚

巴豆柒枚

右七味末之蜜和丸飲服如梧子大大人七丸小兒二三  
丸日二熱去日一服

小腸熱滿灸陰都隨年壯穴俠中管兩邊相去一寸

小腸泄痢膿血灸魂舍一百壯小兒減之穴在俠臍兩邊相

去各一寸翼去相去一寸

又灸小腸踰七壯

小腸虛寒

左手寸口人迎以前脉陽虛者手太陽經也病苦顱際偏頭  
痛耳頰痛名曰小腸虛寒也

小腸虛寒痛下赤白腸滑腸中懊懣補之方

乾薑

兩參

當歸

黃蘗

地榆

各肆兩

黃連

阿膠

兩貳

石榴皮

參枚

右七味以水七升煮取二升五合去滓下膠煮取膠烱盡分三服

舌論第三

論曰凡舌者心主小腸之候也舌重十兩長七寸廣二寸半善用機衡能調五味也凡有所啖若多食鹹則舌脉凝而變色多食苦則舌皮槁而外毛焦枯多食辛則舌筋急而爪枯乾多食酸則舌肉肥而脣揭多食甘則舌根痛而外髮落又曰心欲苦肺欲辛肝欲酸脾欲甘腎欲鹹此五味內合五藏之氣也若藏熱則舌生瘡引脣揭赤若腑寒則舌本縮口噤脣青寒宜補之熱宜瀉之不寒不熱依藏腑調之舌縮口噤

脣青升麻煎主之方在第六卷中

風眩第四

前卷既有頭面風方風眩不當分出思  
蓋以此是徐嗣伯方不可以餘方相

思雜故此特立風眩方條專出徐氏方  
馮叙論三首方十首灸禁法二首

徐嗣伯曰余少承家業頗習經方名醫要治備聞之矣自謂風眩多途諸家未能必驗至於此術鄙意偏所究也少來用之百无遺策今年將衰暮恐奄忽不追故顯明證論以貽於後云尔

夫風眩之病起於心氣不定胃上妄畜實故有高風面熱之所為也痰熱相感而動風風心相亂則悶瞽故謂之風眩大人曰癩小兒則為癩其實是一此方為治万無不愈但恐證候不審或致差違大都忌食十二屬肉而賁豚為患發多氣急氣急則死不可救故此一湯是輕重之宜勿因此便謂非患所治風眩湯散丸煎凡有十方凡人初發宜急與續命湯也

困急時但度灸穴便火針針之無不差者初得針竟便灸最良灸法次列於後余業之以來三十餘年所救活者數十百人無不差矣後人能曉得此方幸勿參以餘術焉

治風眩發則煩悶無知口沫出四躰角弓目反上口噤不得言續命湯方

竹瀝二升

生地黄汁一升

龍齒

生薑

防風

麻黃各四兩

防已三兩

附子三分

石膏七兩

桂心二兩

右十味咬咀以水一斗煮取三升分三服有氣加附子成一兩紫蘇子五合橘皮半兩已服續命湯口開四肢尚未好定而心中尚不除者紫石湯主之方在下第五篇紫石煮散是也

治氣奔急欲絕者賁豚湯方

吳茱萸升

桂心

芍藥

生薑各四分

石膏

人參

半夏

芎藭各三分

生葛根

茯苓各六分

當歸兩四

李根皮斤

右十二味呔咀以水七升清酒八升煮取三升分作三服

治語狂錯眼目霍霍或言見鬼精神昏亂防已地黃湯方

防已兩二

生地黄

五斤別物勿合藥瀆疾小輕用二斤

甘草兩二

桂心

防風各三

右五味呔咀以水一升漬之一宿絞汁著一甌取其滓著

竹筴上以地黄著藥滓上於三斗米下蒸之以銅器承取

汁飯熟以向前藥汁合絞取之分再服

治心中驚悸而四肢緩頭面熱心背痰滿頭目眩冒如欲搖

動者署預湯方

署預

人參

麥門冬各四兩

前胡

芍藥

生地黄絡八

枳實

遠志

生薑絡三

茯苓分六

半夏分五

甘草

黃芩

竹葉絡一

茯神分六

秫米分三

右十六味，以咀取江水高舉手揚三百九十下，量取三斗，煮米減一斗，內半夏復減九升，去滓下藥，煮取四升，分四服，無江水處以千里東流水代之，按手令上頭也。秦中無江涇，渭可用，諸舊灌劔曰尚取之。

服前湯後，四體尚不涼，冷頭目眩動者，防風湯主之。此湯大都宜長將服，但藥中小小消息之，隨冷暖耳，仍不除差者，依此方。

防風

赤石脂

石膏

人參

生薑

白石脂

寒水石

龍骨

茯苓絡三

桂心分二

紫石分一

右十一味咬咀以水八升煮取三升分三服凡用井華水者取清淨也今用江水無泥又無砂穢源泉遠涉順勢歸海不逆上流用以治頭必歸於下故也

署預煎方

署預

分二十

甘草

分十四

澤瀉

人參

黃芩

分四

當歸

白斂

桂心

防風

麥門冬

分三

大豆黃卷

桔梗

芍藥

山茱萸

紫苑

白朮

芎藭

乾薑

蜀椒

乾地黄

各二分已上干味擣篩

生地黄

汁八斤

擣絞取

麻子人

研三升

大棗

枚十

蜜

麀草鹿雜髓

兩

鹿角膠

兩

桑根皮

五升

忌屋垣壻下

自出土者大毒大忌近

者皆不中用

右二十七味以清酒二斗四升煮桑白皮麻子棗得二斗

去滓乃下地黃汁膠髓蜜煎減半內前諸藥末煎之令可  
九如雞子黃飲服一枚日三稍加至三九

治頭目眩冒心中煩鬱驚悸狂顛署預丸方

署預二分

桂心

大豆黃卷

鹿角膠絡七

當歸

神麴

人參

乾地黃絡十

防風

黃芩

麥門冬

芍藥

白朮絡六

甘草二分

柴胡

桔梗

茯苓

杏仁

芎藭絡五

白斂

乾薑絡三

大棗一百枚  
取膏

右二十二味末之合白蜜棗膏丸如彈丸先食服一九日

三服

治頭目眩運屋轉旋倒者天雄散方

天雄

防風

芎藭

人參

獨活

桂心

葛根

各三分

白朮

遠志

署預

茯苓

山茱萸

各六分

莽草

四分

右十三味治下篩先食以菊花酒服方寸匕日二漸加至

三匕以知為度

菊花酒法

九月九日取鄧州甘菊花暴乾作末以米饋中蒸作酒

治心中時恍惚不定者人參丸方

上黨人參

鐵精

牛黃

丹砂

雄黃

昌蒲

防風

大黃

各一兩

赤足蜈蚣

蜥蜴

各一枚

鬼臼

一兩

右十一味末之蜜丸如梧子一服七九日三夜一稍增之

合藥皆忌見婦人青衣人犬鼠勿用青紙丸合藥皆忌濁

穢雞犬六畜喪孝不具足人見之用前菊花酒下佳

灸法以繩橫度口至兩邊既得口度之寸數便以其繩一頭更度鼻盡其兩邊兩孔間得鼻度之寸數中屈之取半合於口之全度中屈之先覓頭上迴髮當迴髮灸之以度度四邊左右前後當繩端而灸前以面為正並依年壯多少一年凡三灸皆須瘡差又灸壯數如前若連灸火氣引上其數處迴髮者則灸其近當鼻也若迴髮近額者亦宜灸若指面為癢則闕其面處然病重者亦不得計此也

食禁

虎兔龍蛇馬羊猴雞犬猪鼠牛

右十二相屬肉物皆不得食及以為藥牛黃龍骨齒用不可廢

嗣伯啓嗣伯於方術豈有效益但風眩最是愚衰小差者常

自寶秘誓不出手而為作治亦不令委曲得法凡有此病是  
嗣伯所治未有不差者若有病此而死不逢嗣伯故也伏願  
問人立知非嗣伯之自誇殿下既須此方謹封上呈嗣伯鄙  
志尚存謹自書寫年老目闇多不成字伏願恕亮謹啓

風癩第五

論六首方三十八首  
針灸法四十八首

論曰黃帝問曰人生而病癩疾者安所得之岐伯對曰此得  
之在腹中時其母有所數大驚也氣上而不下精氣并居故  
令子發為癩疾病在諸陽脉且寒且熱諸分且寒且熱名曰狂刺  
之虛脉視分盡熱病已而止病癩初發歲一發不治月一發  
不治四五日一發名曰癩疾刺諸分其脉尤寒者以針補之  
病已止癩疾始生先不樂頭重直視舉目赤其作極已而煩  
心候之於顏取手太陽陽明太陰血變而已癩疾始發而反  
強因而脊痛候之足太陽陽明太陰手太陽血變而已癩疾

始作而引口啼呼

甲乙作喘悸

者候之手陽明太陽右強者攻其

左左強者攻其右血變而止治癲疾者常與之居察其所當

取之處病至視之有過者即寫之置其血於瓠壺之中至其

發時血獨動矣不動灸窮骨二十壯窮骨者尾鼈也

骨癲疾者頷齒諸輸分肉皆滿而骨倨強直汗出煩悶嘔多

涎沫氣下泄不療

筋癲疾者身拳攣急脉大刺項大經之本杼嘔多涎沫氣下

洩不療

脉癲疾者暴仆四肢之脉皆脹而從滿脉盡刺之出血不滿

俠項灸太陽又灸帶脉於要胛相去三寸諸分肉本輸嘔多涎

沫氣下洩不療

治癲者病發而狂面皮厚敦敦者死不療

凡癲發則卧地吐涎沫無知若強掠起如狂及遺糞者難療

癩疾脉搏大滑久自已脉沈小急實死不療小牢急亦不可  
治脉虛可療實則死矣厥成爲癩疾五藏不平六腑閉塞  
之所生也厥成爲癩故附厥於此條也陰衰發熱厥陽  
衰發寒厥

論曰黃帝問曰厥之寒熱者何也歧伯對曰陽氣衰  
於下則爲寒厥陰氣衰於下則爲熱厥問曰熱厥必  
起於足下者何也對曰陽氣起於足五指之表集於  
足下而聚於足心故陽勝則足下熱也問曰寒厥必起於五  
指而上於膝者何對曰陰氣起於五指之裏集於膝而聚於  
膝上故陰氣勝則從五指至膝上寒其寒也不從外皆從內  
也厥或令人腹滿或令人暴不知人或至半日遠至一日乃  
知人者何也陰氣盛於上則下虛下虛則腹滿腹滿則下氣  
重上而邪氣逆逆則陽氣亂亂則不知人巨陽之厥腫首頭

重足不能行發為胸仆陽明之厥癰疾欲走呼腹滿不得卧  
面赤而熱妄見而妄言少陽之厥暴聾頰腫而熱脇痛髀不  
可以運太陰之厥腹滿膜脹後不利不欲食食則嘔不得卧  
少陰之厥舌乾溺赤腹滿心痛厥陰之厥少腹腫痛腹脹溼  
溲不利好卧屈膝陰縮腫脰內外熱盛則瀉之虛則補之不  
盛不虛以經取之上寒下熱先刺其項太陽久留之已則火  
熨項與肩甲令熱下冷乃止所謂推而上之者也上熱下寒  
視其虛脉而陷下於經絡者取之氣下而止所謂引而下之  
者也刺熱厥者留針反為寒刺寒厥者留針反為熱刺熱厥  
者二陰一陽刺寒厥者二陽一陰所謂二陰者二刺陰也所  
謂二陽者二刺陽也

論曰温病熱入腎中亦為瘥小兒病癰熱盛亦為瘥凡風瘥  
暴尸厥參服厭鬼不寤皆相似甲粉察之故經言久厥則成癰

是以知似也

論曰癩病有五一日陽癩發時如死人遺溺有頃乃解二日陰癩坐初生小時臍瘡未愈數洗浴因此得之三日風癩發時眼目相引牽縱反急強羊鳴食須方解由執作汗出當風因以房室過度醉飲飽滿行事令心氣逼迫短氣脉悸得之四日濕癩眉頭頭痛身重坐熱沐髮濕結腦汗未止得之五日馬癩發時反目口噤手足相引身皆熱坐小時膏氣腦熱不和得之

治五癩方

銅青

雄黃

空青

水銀各一兩

石長生

茯苓

猪苓

白芷

白斂

白薇

人參各二兩

卷柏

烏扇各半兩

硫黃二兩

東門上雞頭一兩

五十大豆

右十五味末之以青牛膽和著銅器中於甑中五斗大豆  
上蒸之藥成服如麻子三十九日再夜一服者先食

治風癩掣癢口眼張大口出白沫或作聲或死不知人虎

睛九方

虎睛一俱酒浸  
一宿炙之防風

秦艽

防葵

龍齒

黃芩

雄黃

防已

山茱萸

茯苓

鐵精

鬼臼

人參

乾地黄一方云  
乾薑

大黃

銀屑

牛黃各四  
分

獨活

遠志

細辛

貫衆

麝香

白斂一作  
白薇

升麻

白鮮皮各三  
兩

茯神

石膏

天雄各五  
兩

鬼箭羽

露蜂房各二  
分

寒水石六  
分

蛇蛻尺一

右三十二味末之蜜和酒服十五丸梧子大日再稍加至

二十五丸神方千金藥名大鎮心丸主諸癩所不療者

凡癩發之候其狀多端口邊白沫動無常者方

秦朮

人參

防葵一作防風

茯神一作牡丹

甘草兩二

鈆丹兩二

貫衆一枚

右七味咬咀以水九升煮取三升半分三服

治風癩失性顛倒欲死五癩驚癩雄雌丸方

雄黃

雌黃

真珠兩一

鈆二兩熬令成屑

丹砂一分

水銀一分

右六味末之以蜜搗三萬杵丸如胡豆先食服二九日二

稍加以知為度

古今錄驗云療五癩牛癩則牛鳴馬癩則馬鳴狗癩則狗鳴羊癩則羊鳴雞癩則雞鳴

鳴病五癩狂病者腑藏相引盈氣起寒厥不識人氣靜痠痲吐沫久而得蘇者

續命風引湯治中風癩眩不知人狂言舌腫出方

麻黃

芎藭

石膏

人參

防風略三

甘草

桂心

獨活略二

防已

附子

當歸略一

杏仁三十枚

陳薑

五兩一本  
無陳字

右十三味以酒三升水一斗合煎取四升分四服日  
三夜一

紫石者煑散治大人風引小兒驚癇瘈瘲日數十發醫所不藥  
者方

紫石英

滑石

白石脂

凝水石

石膏

赤石脂略六

大黃

龍骨

乾薑略四

甘草

桂心

牡蠣略三

右十二味治下篩為麤散盛以草囊懸於高涼處欲用取  
三指撮以新汲井水三升煮取一升二合大人頓服未百  
日兒服一合未能者綿沾著口中熱多者日四五服以意

消息之

采師方只龍骨乾薑牡蠣滑石白石脂五味

治百二十種風癩癩驚狂及發即吐沫不識人者四月五月宜服者灸散方

紫石英

芍藥

龍骨

一本用黃芩

麻黃

青石脂

當歸

甘草

桂心

人參

栝樓根

白鮮皮

略三

牡蠣

兩三

大黃

兩五

右十三味治下篩為麤散分作七裹每以大棗十枚水三升煮取二升半下一裹大棗汁中煎取一升去滓頓服相去七日一服服訖即差

治癩癩厥時發作方

防葵

代赭

人參

鈆丹

釣藤

茯神

雷丸

虎骨

遠志

桂心

防風

白殭螻

生豬齒

各六分

卷柏

葇若子

光明砂

升麻

附子

牡丹

龍齒

各一分

牛黃

二分

蚱蟬

十四枚

蛇蛻皮

白馬眼睛

各二分

白欬

四分

右二十五味治下篩酒服方寸匕日二亦可為丸服良驗

芎藭湯治風癩引脇牽痛發作則吐耳如蟬鳴方

芎藭

藁本

藺茹

各五兩

右三味咬咀內酒一斗煮取三升頓服之羸者分再服取

大汗

治風癩方

葶藶子

鉉丹

栝樓根

虎掌

烏頭

各三分

白朮

一分

蜀椒

大戟

甘遂

天雄各二

鴟頭一枚

鐵精

藜蘆各一兩

右十三味末之蜜丸如梧子服二九日三湯酒下之

經心錄名

鴟頭九

治癩癩瘰方

飛鴟頭一枚

鈆丹一斤

右二味末之蜜丸先食服三九日三劇者夜一稍加之

治風癩方

葇苳子三升擣篩酒一斗漬半日絞去之湯中煎之

可丸先食服如小豆二九加至梧子二九以知為度

額上手中從文理中赤起是知也無此候且服病日

發者三日愈間日發者十日愈五日發者二十日愈

半歲發者一月愈

又方

天門冬斤十 地黄斤三十

右二味搗取汁作煎服之差

天門冬酒通治五藏六腑大風洞泄虛弱五勞七傷癥結滯氣冷熱諸風癩癘惡疾耳聾頭風四肢拘攣猥退歷節萬病皆主之夕服延年輕身齒落更生髮白更黑方

天門冬與百部相似天門冬味甘兩頭方百部細長而味苦令人利搗絞取汁一斗漬麴二升麴發以糯米二斗准家醞法造酒春夏極冷下飯秋冬温如人肌酸之酒熟取清服一盞常令酒氣相接勿至醉吐慎生冷酢滑雞猪魚蒜特慎鯉魚亦忌油膩此是一斗汁法餘二石二石亦准此以為大率服藥十日覺身體隱疹大癢二十日更大癢三十日乃漸止此皆

是風氣出去故也四十日即覺身心朗然大快似有  
所得五十日更覺大快當風坐卧覺風不著人身中  
諸風悉盡用米法先淨淘米暴炆令乾臨欲用時更  
別取天門冬汁漬米乾漉炊之餘汁拌飯甚宜密封  
取天門冬汁法淨洗天門冬去心皮乾漉去水切擣  
壓取汁三四遍令滓乾如草乃止此酒初熟味酸仍  
作臭泔腥氣但依式服之久停則香美餘酒皆不及  
也封四七日佳凡八月九月即少少合至十月多合  
擬到來年五月三十日以來相續服之春三月亦得  
合入四月不得合服酒時若得散服得力更倍速散  
方如左

天門冬去心皮暴乾擣篩作末以上件酒服方寸  
匕日三加至三七次服長生凡酒亦得服

大人癩小兒驚癇灸背第二椎及下窮骨兩處以繩度中折  
 繩端一處是脊骨上也凡三處畢復斷繩作三折令各等  
 而參合如△字以一角注中央灸下二角俠脊兩邊便灸  
 之凡五處也故畫圖法以丹注所灸五處各百壯削竹皮  
 為度勝繩也

卒癩灸陰莖上宛宛中三壯得小便通即差  
千金翼大當是穴

又灸陰莖頭三壯

又灸足大指上聚毛中七壯

又灸囊衣下縫二七壯

又灸兩乳頭三壯

又灸督脉三十壯三報穴在直鼻中上入髮際

又灸天窻百會各漸灸三百壯炷惟小作

又灸耳上髮際各五十壯

論曰黃帝問曰有病怒狂者此病安生岐伯對曰生於陽曰陽何以使人狂曰陽氣因暴折如難決故善怒病名曰陽厥問曰何以知之對曰陽明常動太陽少陽不動不動而動大疾此其候也曰治之奈何曰衰其食即已夫食入於陰長氣於陽故奪之食即已使之服以生鐵落為後飯夫生鐵落者下氣疾

論曰凡發狂則欲走或自高賢稱神聖皆須備諸火灸乃得永差耳若或悲泣呻吟者此為邪非狂自依邪方治之邪入於陽則為狂邪入於陰則為血痺邪入於陽傳即為癲癩邪入於陰傳則為痛瘖陽入於陰病靜陰入於陽病怒

鼉甲湯治邪氣夢寐寤時涕泣不欲聞人聲體中酸削乍寒乍熱腰脊強痛腹中拘急不欲飲食或因疾病之後勞動疲極或觸犯忌諱衆諸不節婦人產生之後月經不利時下青

赤白肌體不生肉虛羸瘦小便不利或頭身發熱旋復解散  
或一度交接彌日困極藥皆主之方

鼈甲七枚

甘草

白薇一作白昆

貝母

黃芩各二兩

防風三兩

麻黃

芍藥

白朮各二兩半

凝水石

桂心

茯苓

知母各四兩

石膏六兩

右十四味咬咀以水二斗煮取四升溫服一升日三夜一  
治男子得鬼魅欲死所見驚怖欲走時有休止皆邪氣所為  
不能自絕九物牛黃丸方

牛黃

土精一云火精

荆實人精

曾青

蒼龍精

玉屑

白虎精

雄黃

地精

空青天精

赤石脂

朱雀精

玄參

玄武精

龍骨

水精各一兩

右九味名曰九精上通九天下通九地下篩蜜和服如小

豆先食吞一九日三服稍加以知為度千金翼云凡邪病當服五邪湯九精丸差  
十黃散治五藏六腑血氣少亡魂失魄五藏覺不安忽忽喜  
悲心中善恐怖如有鬼物此皆發於大驚及當風從高墮下  
落水所致悉主之方

雄黃

人參各五分

黃芩

大黃

桂心

黃耆

黃蘗

細辛各三分

黃連

黃昏

蒲黃

麻黃各一分

黃環

澤瀉

山茱萸各二分

右十五味治下篩末食温酒服方寸匕日三不知加至二

匕羸劣者更加人參五分合十分一方有生黃二分崔氏

椒五分 薑四分

別離散治男女風邪男夢見女女夢見男悲愁憂恚怒喜無  
常或半年數月一發動者方

桑上寄生 白朮各三兩 桂心 茵芋

天雄 菖蒲 細辛 茜根

附子 乾薑各一兩

右十味治下篩酒服方寸匕日三合藥勿令婦人雞犬及病者病者家人知見令邪氣不去禁之為驗

治鬼魅四物鳶頭散方

東海鳶頭是曲跋根 黃牙石一名金牙 葇若子 防葵各一分

右四味治下篩酒服方寸匕欲令病人見鬼加防葵一分

欲令知鬼主者復增一分立有驗防葵葇若並令人迷惑

恍惚如狂不可多服

五邪湯主邪氣啼泣或歌或哭方

禹餘糧 防風 桂心 芍藥

遠志 獨活 甘草 白朮

人參

石膏

牡蠣

秦艽

各二兩

防已

昌蒲

雄黃

深師作黃丹

茯神

蛇蛻

略一兩

右十七味咬咀以水二斗煮取四升分四服亦可如煮

散法服之

茯神湯主五邪氣入人體中見鬼妄語有所見聞心悸跳動恍惚不定方

茯神

人參

昌蒲

茯苓

各三兩

赤小豆

四十枚

右五味咬咀以水一斗煮取二升半分三服

人參湯主風邪鬼氣往來發作有時或無時節方

人參

防風

烏頭

乾薑

澤瀉

狗脊

遠志

附子

栝樓根

于金翼作桔梗

黃芩

獨活

各五分

秦艽

牡蠣 五味子 前胡 細辛

石膏 芎藭 蜀椒 牛膝

甘草 石南 桂心 麻黃

竹皮 白朮 山茱萸 橘皮

桑根白皮各十二銖 茯苓 鬼箭各十二銖 金翼作澤蘭 大棗十六枚

右三十二味咀咀以水六升酒六升合煮取四升分五服

日三夜二

虎睛湯主狂邪發無常被頭大喚欲殺人不避水火方

虎睛具一 茯苓 桂心 防風略三

獨活 甘草 人參 天雄略一

露蜂房具一 鷓鴣頭具一 石長生十分 楓上寄生五分

右十二味咀咀以水一斗二升煮取三升分四服日參夜二

又方

防葵

人參

貫衆  
各五兩

防風

桂心  
各三兩

右五味咬咀以水一斗煮取三升分四服亦可稍服

又方

單服苦參五斤蜜和丸如酸棗十九

治風邪方

商陸根三十斤去皮細切以水八斗東向甕煎減半

去滓更煎令可丸服如梧子一九勿令一切人見合

時菴芎方亦良又服大豆紫湯汗出佳  
菴芎方出此篇前紫湯方

出第八卷中

又方

燒蝦蟇末水服方寸七日三

又方

燒人屎灰酒服慎生冷酢滑猪雞魚蒜等

又方

以水服伏龍肝方寸匕日三

治百邪鬼魅方

服頭垢小豆大

治魅方

水服鹿角末方寸匕日三

又方

水服獺肝末日三

治狐狸諸色精魅與人作種種惡怪令人恐怖狂癲風邪方

雄黃分

油二升

右一味破雄黃如其碁子大鐺中以盆合頭作甗微火九日  
九夜煎之不得少時火絕亦不得火冷火熱火微不絕神驗

治卒發狂方

卧其人著地以冷水淋其面終日淋之良

治諸橫邪癩狂針灸圖訣

論曰凡諸百邪之病源起多途其有種種形相示表癩邪之端而見其病或有默默而不聲或復多言而謾說或歌或哭或吟或笑或眠坐溝渠取食糞穢或裸形露體或晝夜遊走或嗔罵無度或是蜚蠱蠱精靈手亂目急如斯種類癩狂之人今針灸與方藥並主治之凡占風之家亦以風為鬼斷

扁鵲曰百邪所病者針有十三穴也凡針之體先從鬼宮起次針鬼信便至鬼壘又至鬼心未必須併針止五六穴即可知矣若是邪蠱之精便自言說論其由來往驗有實立得精靈未必須盡其命求去與之男從左起針女從右起針若數處不言便遍穴針也依訣而行針灸等處並備主之仍須依掌訣捻目治之萬不失一黃帝掌訣別是術家秘要縛鬼禁

効五岳四瀆山精鬼魅並悉禁之有目在人兩手中十指節間

第一針人中名鬼宮從左邊下針右邊出第二針手大指爪

甲下名鬼信入肉三分第三針足大指爪甲下名鬼壘入肉

二分第四針掌後橫文名鬼心入半寸穴即太淵第五針外踝

下白肉際足太陽名鬼路火針七銜銜三下穴即坤脉第六針

大椎上入髮際一寸名鬼枕火針七銜銜三下第七針耳前

髮際宛宛中耳垂下五分名鬼牀火針七銜銜三下第八針

承漿名鬼市從左出右第九針手橫文上三寸兩筋間名鬼

路穴即勞官第十針直鼻上入髮際一寸名鬼堂火針七銜銜

三下穴即上星第十一針陰下縫灸三壯女人即玉門頭名鬼

藏第十二針尺澤橫文外頭接白肉際名鬼臣火針七銜銜

三下此即曲池第十三針舌頭一寸當舌中下縫刺貫出舌

上名鬼封仍以三板橫口吻安針頭令舌不得動已前若是

手足皆相對針兩穴若是孤穴即單針之

邪鬼妄語灸懸命十四壯穴在口脣裏中央絃絃者是也一

名鬼祿又用剛力決斷絃絃乃佳

邪病卧瞑瞑不自知風府主之一名鬼穴

邪病大喚罵詈走灸十指端去爪一分一名鬼城

邪病鬼癲四肢重息上主之一名鬼門

邪病大喚罵走遠三里主之一名鬼邪

邪病四肢重痛諸雜候尺澤主之尺中動脈一名鬼受

邪病語不止及諸雜候人中主之一名鬼客廳凡人中惡

先押鼻下是也

倉公法狂癩不識人癲病眩亂灸百會九壯

狂走掣瘕灸玉枕上三寸一法頂後一寸灸百壯

狂走癲疾灸頂後二寸十二壯

狂邪鬼語灸天窻九壯

狂癇哭泣灸手逆注三十壯穴在左右手腕後六十

狂走驚癇灸河口五十壯穴在腕後陷中動脉是此與陽明

同也

狂癲風癇吐舌灸胃管百壯不針

狂走癲疾灸大幽百壯

狂走癲癇灸季肋端三十壯

狂言恍惚灸天樞百壯

狂邪發無常被頭大喚欲殺人不避水火及狂言妄語灸間

使三十壯穴在腕後五寸臂上兩骨間亦灸驚恐歌哭

狂走喜怒悲泣灸巨覺巨攬隨年壯穴在背上甲內側反手

所不及者骨芒穴上捻之痛者是也

狂邪鬼語灸伏兔百壯

悲泣鬼語灸天府五十壯

悲泣邪語鬼忙歌哭灸慈門五十壯

狂邪驚癇病灸承命三十壯穴在內踝後上行三寸動脉

上亦灸驚狂走

狂癲風驚厥逆心煩灸巨陽五十壯

狂癲鬼語灸足太陽四十壯

狂走驚恍惚灸足陽明三十壯

狂癲癇易疾灸足少陽隨年壯

狂走癲厥如死人灸足大指三毛中九壯翼云灸大敦

狂走易罵灸八會隨年壯穴在陽明下五分

狂癲驚走風恍惚嗔喜罵笑歌哭鬼語悉灸腦戶風池手陽

明太陽太陰足陽明陽蹻少陽太陰陰蹻足跟皆隨年壯

驚怖心忪少力灸大橫五十壯

狂風罵詈搥斫人名為熱陽風灸口兩吻邊鷲鳥口處赤白

際各一壯

又灸陰囊縫三十壯令人立以筆正注當下已卧核外土

灸之勿令近前中卵核恐害陽氣也

狂走刺人或欲自死罵詈不息稱神鬼語灸口吻頭赤白

際一壯又灸兩肘內屈中五壯又灸背胛中間三壯報灸

之倉公法神效

卒狂言鬼語以甌帶急合縛兩手大指便灸左右脇下對屈

肋頭兩處火俱起各七壯須臾鬼自道姓名乞去徐徐問

之乃解其手焉

卒中邪魅恍惚振噤灸鼻下人中及兩手足大指爪甲本令

艾丸半在爪上半在肉上各七壯不止十四壯炷如雀矢大

卒狂鬼語針其足大姆指爪甲下入少許即止

風邪灸間使隨年壯又灸承漿七壯又灸心輸七壯及灸三里七壯

鬼魅灸入髮一寸百壯又灸間使手心各五十壯

狐魅合手大指縛指灸合間三七壯當狐鳴即差

風虛驚馬悸第六方二十首

遠志湯主心氣虛驚悸喜忘不進食補心方

遠志 乾薑 鐵精 桂心

黃耆 紫石各參兩 防風 當歸

人參 茯苓 甘草 芎藭

茯神 羌活各貳兩 麥門冬 半夏各肆兩

五味子合 大棗拾貳枚

右十八味咬咀以水一斗三升煮取三升半分五服日三夜一

遠志湯治中風心氣不足驚悸言語謬誤恍惚憤憤心煩悶

耳鳴方

遠志

黃耆

茯苓

甘草

芍藥

當歸

桂心

麥門冬

人參

各貳兩

獨活

肆兩

生薑

伍兩

附子

壹兩

右十二味咬咀以水一斗二升煮取四升服八合人羸可服五合日三夜一方無桂

茯神湯治風經五藏大虛驚悸安神定志方

茯神

防風

各參兩

人參

遠志

甘草

龍骨

桂心

獨活

各貳兩

細辛

乾薑

各陸兩

白朮

壹兩

酸棗

一升

右十二味咬咀以水九升煮取三升分三服

治風虛滿頸項強心氣不定不能食茯神湯方

茯神

麥門冬

各肆兩

人參

羌活

遠志

當歸

甘草

紫石

五味子各一兩

半夏

防風

黃耆各三兩

生薑五兩

酸棗三升

右十四味㕮咀以水一斗三升煮酸棗取一斗去棗肉餘

藥煎取三升半一服七合日三夜二

補心湯主心氣不足其病苦驚悸汗出心中煩悶短氣喜怒  
悲憂悉不自知常苦咽喉痛口脣黑嘔吐血舌本強不通水  
漿方

紫石英

茯苓

人參

遠志

當歸

茯神深師作桂

甘草

紫苑各二兩

麥門冬一升

赤豆三合

大棗三十枚

右十一味㕮咀以水一斗二升煮取三升分三服

補心湯主心氣不足多汗心煩喜獨語多夢不自覺咽喉痛

時吐血舌本強水漿不通方

紫石英研 茯苓

人參

桂心略二

麥門冬兩三

紫菀

甘草略一

赤小豆二十枚

大棗枚七

右九味以水八升煮取二升半分三服春夏服之佳  
補心湯治奄奄忽忽朝差暮劇驚悸心中憧憧胃滿不下食  
陰陽氣衰脾胃不磨不欲聞人聲定志下氣方

人參

甘草

枳實

當歸

龍齒

桔梗各三兩

半夏

桂心略五兩

黃耆兩四

生薑兩六

茯苓兩二

大棗二十枚

茯苓

遠志略三兩

右十四味以水一斗二升先煮粳米五合令熟去滓  
內藥煮取四升分服八合日三夜二

補心湯主心氣不足心痛驚恐方

遠志

蒲黃一方用人參

茯苓各四

右四味咬咀以水一斗煮取三升半分三服

傷心湯治心氣不足腹背相引痛不能俛仰方

茯神

黃芩

遠志

乾地黄各三

甘草

阿膠

糖各一

半夏

附子

桂心

生薑各二

石膏

麥門冬各四

大棗三十枚

右十四味咬咀以水一斗煮取三升去滓內糖阿膠更煎

取二升二分三服

此方與前卷心虛實篇大補心湯方相重分兩不同

小定心湯治虛羸心氣驚弱多魘方

茯苓各四

桂心各三

甘草

芍藥

乾薑

遠志

人參各二

大棗十五枚

右八味咬咀以水八升煮取二升分四服日三夜一

大定心湯治心氣虛悸恍惚多忘或夢寤驚厥鬼志少不足方

人參

茯苓

茯神

遠志

龍骨

乾薑

當歸

甘草

白朮

芍藥

桂心

紫菀

防風

赤石脂略二

大棗二十枚

右十五味咬咀以水一斗二升煮取二升半分五服日三

夜二

治驚勞失志方

甘草

桂心略二

龍骨

麥門冬

防風

牡蠣

遠志略一

茯神兩

大棗二十枚

右九味咬咀以水八升煮取二升分二服相去如行五里許

治心虛驚悸不定羸瘦病服荆瀝方

荆瀝升二

白鮮皮

茯神兩各三

人參兩二

白銀十兩以水一斗者取升

右五味以咀以荆瀝銀汁中煮取一升四合分三服相去

如人緩行十里更進一服

又方

荆瀝二升緩火煎之取一升六合分温一服四合日

三夜一

鎮心湯主風虛勞冷心氣不足喜忘恐怖神志不定方

防風

當歸

大黃各五

澤瀉分四

白欵四分一

昌蒲

人參

桔梗各三

白朮

甘草各十

紫苑

茯苓各二八分一

秦艽分六

桂心

遠志

署預

石膏各三

大豆卷分四

麥門冬五分一

粳米合五

大棗枚五

乾薑分二

附子

茯神兩二

右二十四味，以水一斗二升，先煮粳米令熟，去滓，內

藥，煮取四升，分服八合，日三夜一。

翼不用粳米，蜜九酒服，梧子大十九，加至二十九。

大鎮心散治心虛驚悸、夢寤、恐畏方

紫石英

茯苓

防風

人參

甘草

澤瀉各八分

秦艽

白朮

署預

白斂各六分

麥門冬

當歸各五分

桂心

遠志

大黃

石膏

桔梗

柏子人各四分

蜀椒

芍藥

乾薑

細辛各三分

黃耆各六分

大豆卷分三

右二十四味，治下篩，酒服二方寸匕，日三服，一方無紫石

伏苓，澤瀉、乾薑有大棗四分，蜜丸如梧子，酒下十五丸，日三

天鎮心散治風虛心氣驚弱恍惚失常，忽噴恚悲，志意不樂方

紫石英

白石英

朱砂

龍齒

人參

細辛

天雄

附子

遠志

乾薑

乾地黃一本無

茯苓

白朮

桂心

防風略二

右十五味治下篩酒服兩方寸匕日三

小鎮心散治心氣不足虛悸恐畏悲思恍惚心神不定惕惕然而驚為方

人參

遠志

白朮

附子

桂心

黃耆

細辛

乾薑

龍齒

防風

昌蒲

乾地黃

赤小豆略二

茯苓略四

右十四味治下篩酒服二方寸匕日三

鎮心丸治男子婦人虛損夢寤驚悸或失精神婦人赤白注

雄黃

昌蒲

人參

桔梗

乾薑

遠志

甘草

當歸

桂心略二

防風

細辛

鐵精

防已略二

右十七味末之蜜丸飲服十九如大豆日三漸加至二十

丸一方用茯苓二分為十八味

定志小丸主心氣不定五藏不足甚者憂愁悲傷不樂忽忽

喜忘朝差暮劇暮差朝發狂眩方

昌蒲

遠志略三

茯苓

人參略三

右四味末之蜜丸飲服如梧子大七九日三加茯苓神為茯

神丸散服亦佳

紫石酒主久風虛冷心氣不足或時驚怖方

紫石英斤

鍾乳兩四

麻黃

茯苓

白朮各三兩

防風

遠志

桂心各四兩

甘草兩三

右九味以酒三斗漬春三日服四合日三亦可至醉常令有酒氣

好忘第七方十六首

孔子大聖知枕中方

龜甲

龍骨

遠志

昌蒲

右四味等分治下篩酒服方寸匕日三常服令人大聰翼云

檢後服

令人不忘方

昌蒲分二

茯苓

茯神

人參各五

遠志分七

右五味治下篩酒服方寸匕日三夜一五日後知神良

又方

茯苓

續斷各一分

遠志

昌蒲

茯苓各三分

右五味治下篩酒服方寸匕日三至老不忘

開心散主好忘方

遠志

人參各四分

茯苓兩二

昌蒲兩二

右四味治下篩飲服方寸匕日三

昌蒲益智丸方

昌蒲

遠志

人參

桔梗

牛膝絡五

桂心三分

茯苓七分

附子四分

右八味末之蜜丸如梧子一服七丸加至二十九丸日二夜

一主治喜忘恍惚破積聚止痛安神定志聰明耳目禁如

藥法

養命開心益智方

乾地黄

人參

茯苓各三兩

茯苓

遠志

兔絲子略三

蛇牀子分二

右七味治下篩服方寸匕日二忌兔肉餘無忌

北平太守八味散方

天門冬分六

乾地黄分四

桂心

茯苓略一

菖蒲

五味子

遠志

石韋各三分

右治下篩酒水任服方寸匕後食服三十日力倍六十日

氣力強志意足

治健忘方

天門冬

遠志

茯苓

乾地黄等分

右四味末之蜜丸酒服二十九如梧子日三服加至三十

丸常服之勿絕

治好忘久服聰明益智方

龍骨

虎骨

遠志各等分

右三味治下篩食後服方寸匕日二

又方

七月七日取昌蒲酒服三方寸匕飲酒不醉

又方

常以甲子日取石上昌蒲一寸九節者陰乾百日治  
合下篩服方寸匕日三耳目聰明不忘出衢州石橋  
寺南山

又方

七月七日麻勃一升人參二兩末之蒸令氣遍夜欲  
卧服一刀圭盡知四方之事

又方

戊子日取東邊桃枝二七枚縛著卧牀中枕之不忘

又方

常以五月五日取東向桃枝日未出時作三寸木人  
著衣帶中令人不忘

又方

丁酉日自至市買遠志裏套者衣中角頭還未服之不  
復忘

治人心昏塞多忘喜誤方

七月七日取蜘蛛網著衣領中勿令人知不忘

備急千金要方卷第十四

世醫心法卷第十四

上四日

十日十日相神神在氣中於令人賦不

賦入必得塞多志直是也

庚子年七月

丁酉日自至市買其志直是也

又

昔者中令人不

常以正民五日相東向掛外日未

備急千金要方卷第十五上 脾藏上

朝奉郎定常御史閣校理判登聞檢院上護軍賜緋魚袋臣林億等校正

脾藏脉論第一

脾虛實第二 脾胃俱虛 實消食附

脾勞第三

肉極論第四

肉虛實第五

秘澀第六 大便失禁 大小便不通附

熱痢第七

冷痢第八

疳濕痢第九 瘡附

小兒痢第十

脾藏脉論第一

論曰脾主意脾藏者意之舍意者存憶之志也為諫議大夫  
並四藏之所受心有所憶謂之意意之所存謂之志因志而  
存變謂之思因思而遠慕謂之慮因慮而處物謂之智意者  
脾之藏也口唇者脾之官脾氣通於口口和則能別五穀味  
矣故云口為戊舌唇為巳循環中宮上出頤頰次候於唇下  
迴脾中榮華於舌外主肉內主味脾重二斤三兩扁廣三寸  
長五寸有散膏半斤主裏血溫五藏神名俾俾主藏營一作意  
秩祿號為意藏隨節應會故曰脾藏營營全意在氣為噫在  
液為涎脾氣虛則四肢不用五藏不安實則腹脹涇洩不利  
脾氣虛則夢食飲不足得其時則夢築垣蓋屋脾氣盛則夢  
歌樂體重手足不舉厥氣客於脾則夢丘陵大澤壞屋風雨  
凡脾藏象土與胃合氣為腑其經足太陰與陽明為表裏其脉  
緩相於夏王於季夏脾者土也敦而福敦者厚也萬物衆色不同

故名曰得福者廣萬物懸根住莖其葉在顛蛸蜚蠕動蚊  
蠿喘息皆蒙土恩德則為緩恩則為遲故令太陰緩而遲尺  
寸不同酸鹹苦辛大妙而生互行其時而以各行皆不羣行  
盡可常服土寒則溫土熱則涼土有一子名之曰金懷挾抱  
之不離其身金乃畏火恐熱來重遂棄其母逃於水中水  
為金子而藏火神閉門塞戶內外不通此謂冬時土失其子  
其氣衰微水為洋溢浸漬其地走擊皮膚面目浮腫歸於四  
肢愚醫見水直往下之虛脾空胃水遂居之肺為喘浮肝反  
畏肺故下沈沒下有荊棘恐傷其身避在一邊以為水流心  
衰則伏肝微則沈故令脉伏而沈上醫遠一作來占因轉孔穴  
利其溲便遂通水道甘液下流停其陰陽喘息則微汗出正  
流肝著其根心氣因起陽行四肢肺氣亭亭喘息則安腎為  
安聲其味為鹹倚坐毋敗滄臭如腥土得其子即成為山金

得其母名曰丘矣

四時之序逆順之變異也然脾脉獨何主脾脉者土也孤藏以灌四傍者也其善者不可得見惡者可見惡者何如其來如水之流者此謂太過病在外如鳥之喙者此謂不及病在中太過則令人四肢沈重不舉不及則令人九竅壅塞不通名曰重強

脾脉來而和柔相離如雞踐地曰平長夏以胃為本脾脉來實而盈數如雞舉足曰脾病脾脉來堅銳如雞之喙雞一作鳥如鳥之距如屋之漏如水之流曰脾死

真脾脉至弱而乍疎乍散正作數色黃青不澤毛折乃死

長夏胃微濡弱曰平弱多胃少曰脾病但代無胃曰死濡弱有石曰冬病石甚曰今病

脾藏營營營舍意愁憂不解則傷意意傷則悶亂四肢不

舉毛悴色夭死于春

足太陰氣絕則脉不營其口脣口脣者肌肉之本也脉弗營則肌肉濡肌肉濡則人中滿人中滿則脣反脣反者肉先死甲篤乙死木勝土也

脾死藏浮之大緩駢按之中如覆杯絜絜狀如搖者死

六月季夏建未也坤未之間土之位脾王之時其脉大阿阿而緩曰平反得浮大而洪者是心之乘脾母之歸子為虛邪雖病易治反得微瀦而短者是肺之乘脾子之乘母為實邪雖病自愈反得弦而長者是肝之乘脾木之剋土為賊邪大逆十死不治反得沈濡而滑者是腎之乘脾水之陵土為微邪雖病即差

右手關上陰絕者無脾脉也芤之氣下利腹滿身重四肢不欲動善歐刺足陽明治陽

右手關上陰實者脾實也苦腸中伏伏如堅狀大便難刺足  
太陰治陰

脾脉長長而弱來踈去概

正作數

再至曰平三至曰離經病四

至脫精五至死六至命尽足大陰脉也

脾脉急甚為瘦瘠微急為鬲中滿食飲入而還出後沃沫緩  
甚為痿厥微緩為風痿四肢不用心慧然若無疾大甚為擊  
仆微大為脾疝氣裏大膿血在腸胃之外小甚為寒熱微小  
為消瘠滑甚為癩瘡微滑為蟲毒虻腸鳴熱瀦甚為腸癰  
微瀦為內潰多下膿血

脾脉搏堅而長其色黃當病少氣其而大而散色不澤者當病  
足胛腫若水狀

黃脉之至也大而虛有積氣在腹中有厥氣名曰厥疝女子  
同法得之疾使四肢汗出當風

扁鵲曰脾有病則色萎黃實則舌本強直虛則多癖善吞  
注利其實若陽氣壯則夢飲食之類

脾在聲為歌在變動為噫在志為思思傷脾精氣并於脾則飢  
音主長夏病變於音者取之經恐懼而不解則傷精精傷則  
骨痠痿厥精時自下則病精是故五藏主藏精者也不可傷  
傷則守失而陰虛虛則無氣無氣則死

病先發於脾閉塞不通身痛體重一日之胃而腹脹二日之腎  
少腹腰脊痛脛痠三日之膀胱背脊筋痛小便閉十日不已  
死冬人定夏晏食

病在脾日昃慧平且甚日中持下晡靜

素問作日出甚王冰云日中持者繆也

假令脾病東行若食雉兔肉及諸木果實得之不者當以春  
時發得病以甲乙日也

凡脾病之狀必身重善飢足痿不收

素問作善肌肉痿足不收甲乙作苦飢肌肉痿

足不行善瘦脚下痛虛則腹滿腸鳴飧泄食不化取其經足  
太陰陽明少陰血者

脾脉沈之而濡浮之而虛苦腹脹煩滿胃中有熱不嗜食食  
而不化大便難四肢苦痺時不仁得之房內月使不來來而頻併  
脾病其色黃飲食不消腹苦脹滿體重節痛大便不利其脉  
微緩而長此為可治宜服平胃九瀉脾九茱萸九附子湯春  
當刺隱白冬刺陰陵泉皆瀉之夏刺大都季夏刺公孫秋刺  
商丘比目補之又當灸章門五十壯比目第十一椎百壯

邪在脾胃肌肉痛陽氣有餘陰氣不足則熱中善飢陽氣不  
足陰氣有餘則寒中腸鳴腹痛陰陽俱有餘若俱不足則有  
寒有熱皆調其三里

有所擊仆若醉飽入房汗出當風則傷脾脾傷則中氣陰陽  
離別陽不從陰故以三分候死生

脾中風者翕翕發熱形如醉人腹中煩重皮肉濶濶而短氣也  
脾中寒

脾水者其人腹大四肢苦重津液不生但苦少氣小便難

脾脹者善噦四肢急

一作實體重不能衣

一作收

跌陽脉浮而澀浮則胃氣強澀則小便數浮澀相搏大便則  
堅其脾為約脾約者其人大便堅小便利而反不渴

脾氣弱病利下白腸垢大便堅不能更衣汗出不止名曰脾氣  
弱或五液注下青黃赤白黑

寸口脉弦而滑弦則為痛滑則為實痛即為急實即為踊痛  
踊相搏即膏脇搶急

跌陽脉浮而澀浮即胃氣微澀即脾氣衰微衰相搏即呼吸  
不得此為脾家失度

寸口脉雙緊即為入其氣不出無表有裏心下痞堅

跌陽脉微而瀯微即無胃氣澀則傷脾寒在於膈而反下之  
寒積不消胃微脾傷穀氣不行食已自噫寒在胃膈上虛下  
實穀氣不通為秘塞之病

寸口脉緩而遲緩則為陽其氣長遲則為陰榮氣促不足云榮  
衛俱和剛柔相得三焦相承其氣必強

跌陽脉滑而緊滑即胃氣實緊即脾氣傷得食而不消者此  
脾不治也能食而腹不滿此為胃氣有餘腹滿而不能食心  
下如飢此為胃氣不行心氣虛也得食而滿者此為脾家不治  
病人鼻下平者胃病也微赤者病發癰微黑者有熱青者有  
寒白者不治唇黑者胃先病微燥而渴者可治不渴者不可  
治臍反出者此為脾先落先終云

凡人病脉以解而反暮微煩者人見病者差安而強與穀脾  
胃氣尚弱不能消穀故令微煩損穀則愈

診得脾積脉浮大而長飢則減飽則見臍起與穀爭減心下累累如桃李起見於外腹滿嘔泄腸鳴四肢重足脛腫厥不能卧是主肌肉損色黃也

脾之積名曰痞氣在胃管覆大如盤屢久不愈病四肢不收黃瘠食飲不為肌膚以冬壬癸日得之肝病傳脾脾當傳腎腎適以冬壬王者不受邪脾復欲還肝肝不肯受因留結為積故知痞氣以冬得之

脾病其色黃體青失溲直視脣反張爪甲青飲食吐逆體重節痛四肢不舉其脉當浮大而緩今反弦急其色當黃而反青者此是木之剋土為大逆十死不治

宮音人者主脾聲也脾聲歌其音鼓其志愁其經足太陰厥逆陽明則榮衛不通陰陽翻祚陽氣內擊陰氣外傷傷則寒寒則虛虛則舉體消瘦語音沈澀如破鼓之聲舌強不轉而

好咽唾口噤脣黑四肢不舉身重如山便利無度甚者不可  
治依源麻黃湯主之方在第八卷中又言聲憂懼舌本卷縮  
此是木剋土陽擊陰陰氣伏陽氣起起則實實則熱熱則悶  
亂體重不能轉側語聲拖聲氣深不轉而心急此爲邪熱傷  
脾甚則不可治若脣雖萎黃語音若轉可治

脾病爲瘧者令人寒腹中痛熱則腸中鳴鳴已汗出恒山丸  
主之方在第十卷中若其人本來少於瞋怒而忽反常瞋喜  
無度正言而鼻笑不答於人此脾病聲之候也不盈旬月禍  
必至矣陰陽之疾經絡之源究尋其病取其所理然後行治  
萬無遺一也

黃爲脾脾合肉黃如鮐腹者吉脾主口脣脣是脾之餘其人  
土形相比於上宮黃色大頭圓面美肩背大腹好股胫小手足  
多肉上下相稱行安地舉足心平好利人不喜權執意附

耐秋冬不耐春夏春夏感而生病主足太陰敦敦然脾應月  
月有虧盈脾小大隨人脣大小上脣厚下脣薄無腭斷脣  
缺破此人脾不止揭聳脣者則脾高高則實實則熱熱則季  
脇痛滿脣垂而大不堅者則脾下下則虛虛則危危則寒寒  
則身重不能行步脣堅者則脾堅堅則藏安安則不病脣上  
下好者則脾端正端正則脾胃和利人無病脣偏舉者則脾  
偏痛好脹凡人分部中陷起者必有病生胃陽明爲脾之部  
而藏氣通於内外部亦隨而應之沈濁爲内浮清爲外若表  
病外入所部則起起則前瀉陽後補陰若裏病内出所部則  
陷陷則前治陰後治陽陽則實熱陰則虛寒寒主外熱主内  
凡人死生休否則藏神前變形于外人脾前病脣則焦枯無  
潤若脾前死脣則乾青白漸縮急齒噤不開若天中等分墓  
色應之必死不治看色厚薄決判賒促賒則不盈四百日内

促則旬朔之間脾病少愈而卒死何以知之曰青黑如拇指  
厥黑點見顏頰上此必卒死脾絕十二日死何以知之口冷足腫  
腹熱臚脹泄利不覺其出時一曰五日死面青目黃者五日死病  
人著牀心痛氣短脾竭內傷百日復愈欲起傍徨因坐於地  
其亡倚牀能治此者可謂神良又面黃目赤不死黃如枳實  
死吉凶之色在於分部霏霏而見黑黃入唇必病不出其年  
其穴在鼻上當兩若年上不應三年之內禍必應也

季夏土脾脉色黃主足太陰脉也其脉本在中封前上四寸  
之中應在背輸與舌本中封在內踝前一寸大筋裏宛宛中  
脉本從中封上四寸是也其脉根于隱白隱白在足大指端  
內側是也

其筋起於足大指之端內側上結於內踝其直者上結於膝  
內輔骨上循陰股結於髀聚於陰器上腹結於臍循腹裏

結於脇散於胷中其內者著於脊

其脉起於足大指之端循指內側白肉際過核骨後上內踝前廉上腠內循胛骨後交出厥陰之前上循膝股內前廉入腹屬脾絡胃上膈俠咽連舌本散舌下其支者復從胃別上膈注心中合足陽明爲表裏陽明之本在厲兌足跌上大指間上三寸骨解中也同會于手太陰

其足太陰之別名曰公孫去本節後一寸別走陽明其別者入絡腸胃主脾生病實則胃熱熱則腹中切痛痛則陽病陽脉反大於寸口三倍病則舌強筋轉外縮牽陰股引髀痛腹脹身重食飲不下煩心心下急注脾脾病虛則胃寒寒則腹中鼓脹脹則陰病陰脉反小於寸口一倍病則泄水不能卧而煩強立股膝內痛若筋折細之細之者脉時綴綴動也發動甚者死不治

四季之月各餘十八日此為四季之餘日主脾胃黃肉隨病也陽病一作內其源從太陰陽明相格節氣相移三焦寒濕不調四時關格而起則藏腑傷痾隨時受癘陽氣外泄陰氣內伏其病相反若腑虛則陰邪所加頭重頸直皮肉強痺若藏實則陽疫所傷蘊而結核起於喉頸之側布毒熱於皮膚分肉之中上散入髮際下貫顛顛隱隱而熱不相斷離故曰黃肉隨病也

扁鵲曰灸肝脾二輸主治丹毒四時隨病當依源補瀉虛實之痾皮肉隨熱則須鎌破薄貼方呪促治疾無逃矣

脾虛實第二論一首方二十三首灸法一首脉四條

脾實熱

右手關上脉陰實者足太陰經也病苦足寒脛熱腹脹滿煩擾不得卧名曰脾實熱也

治舌本強直或夢歌樂而體重不能行宜瀉熱湯方

前胡 茯苓 龍膽 細辛 芒消各三兩

杏仁兩四 玄參 大青各三兩 苦竹葉切一升

右九味咬咀以水九升煮取三升分三服食後服

射干煎方主治同前

射干兩八 大青三兩 石膏作一兩一升 赤蜜一升

右四味咬咀以水五升煮取一升五合去滓下蜜煎取二

升分三服

治脾熱面黃目赤季脅痛滿方

半夏兩八 枳實 梔子 茯苓

芒消各三兩 細辛兩五 白朮 杏仁各四兩

生地黄切一兩 淡竹葉切一兩 母薑兩八

右十一味咬咀以水九升煮取三升去滓下芒消分三服

治脾橫方

若赤黑發如瓜大煎羊脂摩之

又方

末赤小豆和雞子白傅之

四肢寒熱腰疼不得俛仰身黃腹滿食嘔舌根直灸第十一  
椎上及左右各一寸五分三處各七壯

脾胃俱實

右手關上脉陰陽俱實者足太陰與陽明經俱實也病苦脾  
脹腹堅搶脅下痛胃氣不轉大便難時反泄利腹中痛上衝  
肺肝動五藏立喘鳴多驚身熱汗不出喉痺精少名曰脾胃  
俱實也

瀉熱方

大黃

麻黃

黃芩

各四兩

杏仁

赤茯苓

甘草

橘皮

芒消

澤瀉各三兩

右九味咬咀以水九升煮取三升絞去滓內大黃煮兩沸

去滓下芒消分三服

治脾脉厥逆大腹中熱切痛舌強腹脹身重食不下心注脾急

痛大黃瀉熱湯方

大黃三兩細切水一升半別漬一宿

澤瀉

茯苓

黃芩

細辛

芒消各二兩

甘草三兩

橘皮二兩

右八味咬咀以水七升煮取三升三合去滓下大黃更煎

兩沸去滓下芒消分三服

治脾熱脅痛熱滿不歇目赤不止口脣乾裂方

石膏一斤

生地黃汁

赤蜜各一

淡竹葉

切五升

右四味先以水一斗二升煮竹葉取七升去滓澄清煮石

膏取一升五合去滓下地黃汁兩沸次下蜜煎取三升細  
細服之

治脾熱偏一邊痛胃滿脇偏脹方

茯苓

橘皮

澤瀉各三兩

芍藥

白朮各四兩

人參

桂心各二兩

石膏八兩

半夏六兩

生薑切一升

桑根白皮一升

右十一味咬咀以水一斗二升煮取三升去滓分三服若  
須利下加芒消二兩佳

脾虛冷

右手關上脉陰虛者足太陰經也病苦泄注腹滿氣逆霍亂  
嘔吐黃瘳心煩不得卧腸鳴名曰脾虛冷也  
治虛脹脅痛肩息有時發作悉補之方

五加根皮斤猪椒根皮斤丹參

橘皮各一

地骨皮

乾薑

白木各八兩

乾地黄

芎藭

附子各五兩

桂心

桔梗各四兩

大棗五十枚

甘草三兩

右十四味以酒四斗漬五七日服七八合加至一升

日再服

治脾寒飲食不消勞倦氣脹噫滿憂恚不樂檳榔散方

檳榔八枚皮子並用

人參

茯苓

陳麴

厚朴

麥蘖

白朮

吳茱萸各二兩

右八味治下篩食後酒服二方寸匕日再一方用橘皮二

兩半

温脾丸治久病虛羸脾氣弱食不消喜噫方

黃蘖

大麥蘖

吳茱萸

桂心

乾薑

細辛

附子

當歸

大黃

麴

黃連各一兩

右十一味末之蜜丸如梧子每服十五丸空腹酒服日三  
麻豆散主脾氣弱不下食飢此以當食方

大豆黃升

大麻子

三升令舂熬

右二味治下篩飲和服一合日四五任情多少

脾胃俱虛

右手關上脉陰陽俱虛者足太陰與陽明經俱虛也病苦胃  
中如空狀少氣不足以息四逆寒泄注不已名曰脾胃俱虛也  
治腹脹善噫食則欲嘔泄澀澇下口乾四肢重好怒不欲聞  
人聲忘誤喉痺補之方

黃連

兩

禹餘糧

兩

白木

兩

大麻子

兩

乾薑

兩

桑白皮

兩

大棗

枚

右七味咬咀以水一斗二升煮取一升分四服

治脾胃俱虛苦飢寒痛方

人參

當歸

桂心

茯苓

桔梗

芎藭略五

厚朴

甘草

橘皮

吳茱萸略二

白木略五

麥蘖升一

右十二味咬咀以水一斗二分煮取三分分三服

治脾胃俱虛冷白木散方

白木

厚朴

人參

吳茱萸

茯苓

麥蘖

麴

芎藭略三

右八味治下篩酒服方寸匕食後日三一方加大腹橘皮

凡身重不得食食無味心下虛滿時時欲下喜卧者皆針胃

管太倉服建中湯及服此平胃丸方

建中湯方出第十九卷中

杏仁枚五十

丹參兩三

苦參

葶藶

玄參略二

芎藭

桂心略一

右七味末之蜜丸如梧子酒服五九日三以知為度

崔文行平胃丸治丈夫小兒食實不消胃氣不調或温壯熱結大小便不利者有病冷者服露宿九熱藥後當進此丸

調胃方

大黃二兩

小草

甘草

芍藥

芎藭

葶藶略一

杏仁五十枚

右七味末之蜜丸飲服如梧子五九日三一歲兒二九漸

加之

千金翼有昌蒲當歸乾薑茯苓  
麥門冬細辛為十三味無杏仁

論曰凡病宿食在上管當吐之脉數而滑者實也有宿食不消下之愈胃中有癖食冷物即痛不能食有熱物即欲食大腹有宿食寒慄發熱如瘧狀宿食在小腹者當暮發熱明旦復止寸脉緊即頭痛風寒或腹中宿食不化寸口脉緊者如轉索左右無常脾胃中有宿食不消寸口脉浮而大按之反

澀尺中微而澀故知宿食

大麴蘗丸主消穀斷下溫和又寒冷者長服不患霍亂方

大麥蘗

麴略一

附子

乾薑

當歸

人參略三

赤石脂略一

桔梗

女萎略二

吳茱萸

皂莢略五

蜀椒二兩

烏梅五十枚

右十三味末之蜜酢中半漬梅一宿蒸三斗米下去核擣

如泥和藥蜜和擣二千杵服十九日三下甚者加龍骨阿

膠艾各三兩

消食斷下丸寒冷者常服之方

麴

大麥蘗略一

吳茱萸兩四

右三味末之蜜和服十五丸如梧子日三

乾薑散治不能食心意冥然忘食方

法麴 乾薑 豉 蜀椒 大麥蘗米各一

右五味合治下節食後服五方寸七日三以能食為度  
消食丸治數年不能食方

小麥蘗 麴各一 乾薑 烏梅各四

右四味末之蜜和服十五九日再加之四十九寒在胸中及  
反胃番心者皆差

麴蘗散主消穀能食除腸中水氣臚脹方

法麴 杏仁 麥蘗各五

右三味治下節食後酒服一合日三

脾勞第三論一首

論曰凡脾勞病者補肺氣以益之肺王則感於脾是以聖人春  
夏養陽氣秋冬養陰氣以順其根本矣肝心為陽脾肺腎  
為陰逆其根則伐其本陰陽四時者萬物之終始也

治脾勞實四肢不用五藏乖反脹滿肩息氣急不安承氣泄  
實熱半夏湯方

半夏

宿薑各八

茯苓

白朮

杏仁

各三

竹葉物一

橘皮

芍藥

各四

大棗

二十枚

右九味以水一斗煮取三升分四服

治脾虛寒勞損氣脹噫滿食不下通噫消食膏酒方

猪膏

斤

宿薑

汁五

吳茱萸

斤

白朮

斤

右四味擣茱萸木等二物細細下篩為散內薑汁膏中煎  
取六升溫清酒一升進方寸匕日再

肉極第四

論一首  
方六首

論曰凡肉極者主脾也脾應肉肉多肌合若脾病則肉變色又  
曰至陰遇病為肌痺肌痺不已復感於邪內舍於脾體癢淫

淫如鼠走其身上津液脫腠理開汗大泄鼻端色黃是其相也凡風氣藏於皮膚肉色則敗以季夏戊巳日傷於風為脾風脾風之狀多汗陰動傷寒寒則虛虛則體重怠墮四肢不欲舉不嗜飲食則欬欬則右脅下痛陰陰引肩背不可以動轉名曰厲風裏虛外實若陽動傷熱熱則實實則人身上如鼠走脣口壞皮膚色變身體津液脫腠理開汗大泄名曰惡風而須決其綱紀知其終始陰陽動靜肉之虛實實則瀉之虛則補之能治其病者風始入肉皮毛肌膚筋脉之間即須決之若入六腑五藏則半死矣

扁鵲曰肉絕不治五日死何以知之皮膚不通外不得泄凡肉應足太陰太陰氣絕則脉不營其肌肉脣反者氣盡則肉先死使良醫妙藥終不治也

治肉熱極肌痺淫淫如鼠走身上津液脫腠理開汗大泄為

脾風風氣藏於皮膚肉色敗臯見黃色麻黃止汗通肉解風痺湯方

麻黃

枳實

細辛

白朮

防已

各三兩一作防風

生薑

附子

各四兩

甘草

桂心

各二兩

石膏

八兩

右十味以水九升煮麻黃去沫下諸藥煮取三升分三服

治肉極虛熱肌痺淫淫如鼠走身上津液開泄或痺不仁四肢急痛西州續命湯方

麻黃

生薑

各三兩

當歸

石膏

各二兩

芎藭

桂心

甘草

黃芩

防風

芍藥

各二兩

杏仁

四十枚

右十一味以水九升先煮麻黃除沫下諸藥煮取三

并去滓分四服日再

治肉極熱則身體津液脫腠理開汗大泄厲風氣下焦脚弱  
越婢湯方出第七卷中

治肉熱極則體上如鼠走或如風痺唇口壞皮膚色變石南  
散主諸風大病方

石南銖十

署預

天雄

桃花

一作桃人

甘菊花

芍藥

各一兩一  
本作甘草黃耆日十八銖

山茱萸

一兩十銖

真朱銖八

石膏

兩

升麻

萎蕤

各兩半

右十二味治下節酒服方寸匕日再食後服

治肉極虛寒為脾風陰動傷寒體重怠墮四肢不欲舉關節  
疼痛不嗜飲食虛極所致大黃耆酒方

黃耆

桂心

巴戟天

石斛

澤瀉

茯苓

柏子人

乾薑

蜀椒略三

防風

獨活

人參略三

天雄

芍藥

附子

烏頭

茵芋

半夏

細辛

白朮

黃芩

栝樓根

山茱萸略一

右二十三味咬咀絹袋貯以清酒三斗漬之秋冬柒日春夏三日初服三合漸漸加微痺為度日再

治肉極虛寒卒中風口噤不能言四肢緩縱偏攣急痛注五藏恍惚喜怒無常手脚不隨方

獨活

茵芋

黃芩略三

甘草

防風

芍藥

芍藥

麻黃

葛根略二

人參略一

烏頭略三

右十一味咬咀以水一斗竹瀝四升合煮取四升分四服日

三夜一

肉虛實第五論一首

論曰夫肉虛者坐不安席身危變動肉實者坐安不動喘氣肉虛實之應主於脾若其腑藏有病從肉生熱則應藏寒則應腑

治肉虛坐不安席好動主脾病寒氣所傷五加酒方

五加皮

枸杞皮格二

乾地黄

丹參格八

杜仲

石膏格一作石末

乾薑兩四

附子兩三

右八味以清酒二斗漬三宿一服七合日再

治肉實坐安席不能動作喘氣主脾病熱氣所加關格半夏湯除喘方

半夏

宿薑格八

杏仁兩五

細辛

橘皮各四兩

麻黃兩一

石膏兩七

射干兩二

右八味以水九升煮取三升分三服須利下甚消三兩

秘澀第六 論一首 灸法十五首 方四十一首

論曰有人因時疾差後得秘塞不通遂致天命大不可輕之  
所以備述雖非死病凡人不明藥餌者拱手待斃深可痛哉  
單復諸方以虞倉卒耳凡大便不通皆用滑膩之物及冷水  
並通也凡候面黃者即知大便難

跌陽脉浮而澀浮則胃氣強澀則小便數浮澀相搏大便則  
堅其脾為約脾約者其人大便堅小便利而不渴麻子人丸方

麻子人升二

枳實兩

杏仁升一

芍藥兩

大黃斤一

厚朴尺一

右六味末之蜜丸如梧子飲服五丸日三漸加至十九銜

外臺無  
杏人

治關格大便不通方

芒消兩二

烏梅

桑白皮兩各五

芍藥

杏仁

各四兩

麻人

二兩

大黃

八兩

右七味㕮咀以水七升煮取三升分三服一本無烏梅加枳實乾地黃各二兩

治大便秘塞不通神方

猪羊膽無在以筒灌三合許令深入即出矣出不盡須更更灌一方加冬葵子汁和之亦妙又椒豉湯五升和猪膏三合灌之佳臨時易可得即用之又煎蜜成煎如人指大深内穀道佳又無灰濃酒半升臨三錢匕鍊成如上法

三黃湯治下焦熱結不得大便方

大黃

三兩

黃芩

二兩

甘草

二兩

梔子

七枚

右四味㕮咀以水五升煮取一升八合分三服若大秘加芒消二兩

淮南五柔元治秘澀及虛損不足飲食不生肌膚三焦不調和榮衛利腑藏補三焦方

大黃一升蒸三斗米下 前胡二兩 半夏 茯苓

芍藥 茯苓 當歸 葶藶

細辛各一兩

右九味末之蜜和合擣萬杵為丸梧子大食後服十五元

稍增之日再崔氏云令人喜飯消穀益氣有憂者加松實

有黃芩一兩

大五柔丸主藏氣不調大便難通榮衛利九竅消穀益氣力方

大黃 芍藥 枳實 茯苓

葶藶 甘草 黃芩 牛膝各二兩

桃人一枚 杏仁四十枚

右十味末之蜜和丸如梧子一服三丸日三加至二十元酒

下

濡藏湯主大便不通六七日腹中有燥屎寒熱煩迫短氣汗出脹滿方

生葛根升二 猪膏升二 大黃兩一

右三味咬咀以水七升煮取五升去滓內膏煎取三升澄清強人頓服羸人再服亦治大小便不通

治大便不通方

商陸 牛膝各三 大戟斤一 大豆升五

右四味咬咀以水五升煮取二升以大豆五升煎令汁盡至豆乾初服三枚以通為度

又方 蜜和胡鷲屎內大孔中即通

又方

水四升蜜一升合煮熟冷灌下部中一食頃即通

又方

鹽半合蜜三合合煎如錫出之著冷水中丸如櫛榔形如指許大深內下部中立通

治大便難方

單用豉清醬清羊酪土瓜根汁灌之立通

又方

以醬清漬烏梅灌下部中

又方

桑根白皮

榆根白皮

各壹把

右二味咬咀以水三升煮取一升半分三服

又方

桃皮三升水五升煮取一升頓服

又方

水一升煮羊蹄根一把取半升頓服

又方

常煮麻子取汁飲

又方

常服蜜煎五合

又方

猪脂和陳葵子末為丸如梧子每服十九通即止

又方

水服桃花方寸匕無桃花白皮亦得

又方

常服車前子及葉並良

又方

擣葵根汁生服

又方

好膠參寸

葱白壹把

右二味以水四升煮取一升半頓服之即下

又方

葵子

牛酥酪壹升  
得豬

右二味以水三升煮葵子取一升內酥煮一沸待冷分二服

又方

葵子汁和乳汁等分服之立出

又方

醬清外三

麻油外二

葱白三

右三味合煮令黑去滓待冷頓服之一方不用醬清

芒消丸治脹滿不通方

芒消

芍藥

略一兩半

黃芩

一兩六銖

杏人

大黃略二

右五味末之蜜丸如梧子飲服十五丸加至二十九取通利

為度日三

又方

通草

朴消略四

郁李人

黃芩

瞿麥略三

車前子

五合一方二升

右六味咬咀以水八升煮取二升半分二服一方用絹袋

盛煮頓服二升

又方

獨頭蒜燒熟去皮綿裹內下部中氣立通又削薑裹鹽導之及乾薑鹽搗杏人搗丸導之並佳

治脹滿閉不下方

吳茱萸升 乾薑

大黃

當歸

桂心

芍藥

甘草

芎藭略二

人參

細辛略一

桃白皮把一

真朱兩半

雄黃銖八

右十三味咬咀以水一斗煮取三升去滓內雄黃真朱末酒一升微火煮三沸服一升得下即止

走馬湯主一切卒中惡心痛腹脹大便不通方出第十三卷

心腹痛篇

巴豆丸主寒癖宿食久飲飽不消大祕不通方

巴豆人一升清酒五升煮三日三夕碎大熟合酒微

火煎令可丸如胡豆欲取吐下者服二丸

練中丸主宿食不消大便難方

大黃兩八

葶藶

杏仁

芒消兩四

右四味未之蜜丸如梧子食後服七丸日二稍加承氣丸名

大便難灸第七椎兩傍各一寸七壯

又灸承筋二穴各三壯在臑中央陷內

大便不通灸俠玉泉相去各二寸名曰腸遺隨年壯寸半二

又灸大敦四壯在足大指聚毛中

大便閉塞氣結心堅滿灸石門百壯

後閉不通灸足大都隨年壯

治老人小兒大便失禁灸兩脚大指去甲一寸三壯又灸大

指竒間各三壯

治大小便不通方

葵子

升末一

青竹葉

把一

右二味以水三升煮五沸頓服

又方

葵子

升一

榆皮

升切一

右二味以水五升煮取二升分三服

又方

葵子一升以水三升煮取一升去滓內猪脂一升空腹

分二服

又方

甌帶煮取汁和蒲黃方寸匕日三服

又方

猪脂一斤以水二升煮三沸飲汁立通

治大小便不利方

葵子

升一

消石

兩二

右二味以水五升煮取二升分再服

治小兒大小便不通方

擣白花胡葵子末煮汁服之

又方 末雞屎白服一錢匕

大小便不利欲作腹痛灸榮衛四穴百壯穴在背脊四面各

一寸

腹熱閉時大小便難腰痛連脊灸團岡百壯穴在小腸輸下  
二寸橫三間寸灸之

大小便不通灸臍下一寸三壯

又灸橫文百壯

大小便不利灸八窞百壯穴在腰目下三寸俠脊相去四寸兩  
邊各四穴計八穴故名八窞音遼

小兒大小便不通灸口兩吻各二壯

小便不利大便數注灸屈骨端五十壯

小便不利大便注泄炎天樞百壯穴在俠臍相去三寸魂魄  
之舍不可針大法在臍傍一寸合臍相去可三寸也

備急千金要方卷第十五上

金澤文庫

備急千金要方卷第十五下

朝奉郎守太常觀秘閣鑄判登聞檢院上護軍賜緋魚袋巨林億等校正

熱痢第七論一首 脈證二十四條 方二十六首 灸法十首

論曰余立身已來二遭熱痢一經冷痢皆日夜百餘行乃至移牀就廁其困篤如此但率意自治者尋手皆愈乃知此疾天下易治但中性之徒率情驕倨良藥苦口不能克已早餌朝遇暮過望其自差疾勢日增胃氣漸弱心力俱微食飲與藥皆不能進既不時愈便稱痢病難治斯皆自誤也學者須深達斯旨然此病隨宜服一物皆得差之惟須力意苦已服食以差為限則無不愈也又大須慎口味重者差後百日次者一月日所以常哀驕恣者不能自慎興言於此以為至慨矣古今痢方千萬首不可具載此中但撮其效者七八而已雖然弘之在人也何則陟絳厘丸烏梅丸松皮散等暴痢服之

何有不差其溫脾湯建脾丸方出下冷痢篇下久下得之焉能不愈大

凡痢有四種謂冷熱疴蠱冷則白熱則赤疴則赤白相雜無

復節度多睡眠澀蠱則純痢瘀血熱則多益黃連去其乾薑

冷則加以熱藥疴則以藥吹灌下部蠱毒則以蠱法治之藥

既主對相當痢者復自勉勵服餌焉有不愈者也

凡服止痢藥初服皆劇患人不解即止其藥不服此特不可

但使藥與病源的相主對雖劇但服不過再三服漸漸自知

惟非其主對者本勿服也

凡痢病通忌生冷酢滑猪雞魚油乳酪酥乾脯醬粉鹹所食

諸食皆須大熟爛為佳亦不得傷飽此將息之大經也若將

息失所聖人不救也

下利抃滑而數有宿食當下之

下利脉遲而滑者實也利為未止急下之

金澤文庫

下利脉反滑當有所去下乃愈

下利不欲食者有宿食當下之

下利而腹痛滿為寒實當下之

下利腹中堅者當下之

下利而譏語者腹內有燥屎宜下之

下利三部皆平一作浮按其心下堅者急下之

下利差至其年月日時復發者此為下不盡更下之愈

風寒下者不可下下之後心下堅痛脉遲一作浮此為寒但當温

之脉沈緊下之亦然脉大浮弦下之當已下利脉浮大此為

虛以強下之故也設脉浮革者因爾腸鳴當温之

下利脉遲緊為痛未欲止當温之得冷者滿而便腸垢

下利身軀疼痛急救裏諸温之屬可與理中肆逆附子湯熱

藥輩

四九一  
千金要方十五下  
下利大孔痛者當溫暖之

下利腹脹滿身體疼痛者先溫其裏乃攻其表

下利清穀不可攻其表汗出必脹滿

下利氣者當利其小便

下利脈反浮數尺中自濡其人必清膿血

下利脈數而渴者今自愈設不差必清膿血有熱故也

下利脈沈弦者下重其脈大者為未止脈微弱數者為欲自

止雖發熱不死

下利脈沈而遲其人面少赤身有微熱下利清穀必鬱冒汗

出而解病人必微厥所以然者面戴陽下虛故也

下利有微熱而渴脈弱者今自愈

下利脈數有微熱汗出今自愈設脈緊為未解

下利脈反弦發熱身汗者自愈

下利脉大浮弦下當已

下利舌黃燥而不渴背中實下不止者死

下利後脉絕手足厥冷晬時脉還手足温者生不還不温者死  
下利手足厥冷無脉者灸之不温若脉不還反微喘者死少  
陰負趺陽者為順

凡六腑氣絕於外者手足寒上氣脚縮五藏氣絕於內者下  
不自禁下甚者手足不仁也細尋取之萬不失一下病體略  
例如此耳

素問曰春傷於風夏為膿血凡下多滯下也夏傷於風秋必  
洞泄秋多下水也患是冷也夫積冷積熱及水穀實而下者  
以大黃湯下之強人勿過兩劑皆消息五六日更進一劑其  
補澀湯不效者三兩日可進一劑

陟釐丸治百病下痢及傷寒身熱頭痛目赤四肢煩疼不解

協熱下痢或醫已吐下之腹內虛煩欲得冷飲飲不能消腹  
中急痛溫食則吐乍熱乍冷狀如溫瘧或小便不利氣滿嘔  
逆下痢不止方

水中陟釐兩

漢中木防已兩

紫石英兩

厚朴兩

隴西當歸兩

黃連兩

三歲醇苦酒五

上好豉升

右八味皆取真新者以苦酒二升漬防已極令潤出之留  
苦酒置以利刀切防已厚令一分使厚薄悉等以板瓦覆  
著炭火上以厚紙藉瓦上布成切防已著紙上訖從頭依  
次反周而復始令色槁燥復漬向餘苦酒中更出著瓦上  
熬之如此盡苦酒止勿令火猛徐徐熬令極燥各擣下篩  
畢都合擣千杵以餘二升苦酒漬豉一宿明且以瓦盆盛  
之以一盆覆之蒸五升土下須土氣通流熟出之於盆中

研豉以新布絞取其濃汁如棗膏法以和藥擣三千杵頓丸皆如水中雞頭子大分著數囊中懸令陰乾取燥乃更盛著亟以蠟密封其際勿令見風塵此藥以三丸爲一劑平旦以井華水服一劑晝服一劑暮服一劑皆以水服之初服寧少食當舖食水飧欲服藥若食飲消腹中調和者日可一服若已差者二三日可一服消息以意若病重藥力未行者但益服之日可四五劑或時下不止者當復更增令腹中有藥力飲食消是其效也新服藥未安調當水飧助藥力心中了然然後可作羹臠但當冷食之耳若有時不喜冷食者正是藥力盡耳復益服藥至一宿許則復欲進冷也若欲不復藥者但稍溫食藥力自盡矣服藥不必須強多飲水也自隨體調耳以下虛服之如法禁熱食生魚猪肉蒜生菜酒綠酒發藥力令病者煩熱

也又禁辛物及諸肥膩難消物皆勿食也若有風病加防  
風一兩人虛羸可加石斛一兩若宿有下痢腸胃損弱者  
可加大一餘糧二兩半取石中黃軟香者若婦人產後疾  
加石硫黃二兩小便黃赤不利加蒲黃一兩依方消息之  
無不得效也胡洽去舊有五石赤石脂白石英鍾乳  
礬石并禹餘糧各四兩常以二月合之  
下痢熱諸治不差方

烏梅升

黃連一斤金  
色者

右二味末之蜜和服如梧子二十九日三夜二神妙

治積久三十年常下痢神方

赤松皮去上蒼皮切一斗為散麵粥和一升服之日  
三差即止不過服一斗永差三十年痢服之百日差

治熱毒痢苦參橘皮丸方

苦參

橘皮

獨活

阿膠

藍青

黃連

鬼臼一作鬼箭羽

黃蘗

甘草

右九味等分末之以蜜烱膠和併手丸之如梧子乾之飲服十九日三稍加之卒下注痢者大良

治諸熱毒下黃汁赤如爛血滯如魚腦腹痛壯熱方

黃蘗

黃芩

升麻

石榴皮各六分

白頭翁

寄生

當歸

牡蠣

犀角

甘草各一兩

黃連兩二

艾葉分二

右十二味咬咀以水六升煮取三升分三服

龍骨丸主下血痢腹痛方

龍骨

當歸

龍膽

附子

乾薑

黃連

羚羊角各三銖

赤石脂

礬石各一兩半

犀角

甘草

熟艾各十銖

右十二味末之蜜和先食服如小豆十五丸日三加至二十九

又方

牛角鯁

當歸

龍骨

乾薑

熟艾各三兩

附子

黃蘗

赤石脂

芎藭

阿膠

厚朴

甘草

橘皮

芍藥

石榴皮各二兩

大棗二十枚

黃連合五

升麻一兩半

蜀椒一兩

右十九味咬咀以水一斗三升煮取四升去滓內牛角鯁末阿膠消以綿絞去滓分七服日四夜三無橘皮治血痢方

蒲黃合三

乾地黄

桑耳

甘草

芒消

茯苓

人參

柏葉

阿膠 兩各二 艾葉 兩各二 赤石脂 分五 禹餘糧

黃連 兩各一 生薑 兩各二

右十四味咬咀以水一斗煮取四升分温五服神效

治下雜血方

乾藍 犀角 地榆 兩各二 蜜 合二

右四味咬咀以水五升煮取一升半去滓下蜜煎取五合

分三服此治熱毒蠱妙

治熱毒下黑血五内絞切痛日夜百行氣絕欲死方

黃連 升一 龍骨 白朮 兩各二 阿膠

乾薑 當歸 赤石脂 兩各三 附子 兩一

右八味咬咀以水一斗煮取五升分五服余以正觀三年七月十二日忽得此熱毒痢至十五日命將欲絕處此方

藥入口即定

治下血日夜七八十行方

黃連

黃蘗各四兩

右二味㕮咀淳酢五升煮取一升半分再服

白頭翁湯治赤滯下血連月不差方

白頭翁

厚朴

阿膠

黃連

秦皮

附子

黃蘗

茯苓

芍藥

各二兩

乾薑

當歸

赤石脂

甘草

龍骨各三兩

大棗三十枚

粳米一升

右十六味㕮咀以水一斗二升先煮米令熟出米內藥煮

取三升分四服

治下赤連年方

地榆

鼠尾草各一兩

右二味㕮咀以水二升煮取一升分二服如不止取屋塵

水漬去滓一升分二服

古今錄驗方云服屋塵汁一小盃

又方

鼠尾草

薔薇根

秦皮

如無用櫛皮代之

右三味等分咬咀以水淹煎去滓銅器重釜煎成丸如梧

子服五六丸日三稍增差止亦可濃汁服半升

治大熱毒純血痢不可差者方

黃連陸兩咬咀以水七升煮取二升半夜露著星

月下旦起空腹頓服之卧將息即止不差加黃芩

二兩更作服之仍不差者以瘡痢法治之

治下久赤白連年不止及霍乱脾胃冷實不消温脾湯方

大黃

四兩

人參

甘草

乾薑

各二兩

附子

一枚

右五味咬咀以水八升煮取二升半分三服臨熟下大黃與

後溫脾湯小異須大轉瀉者當用此方神效

治熱痢水穀方

黃連

阿膠略二兩

烏梅四十枚

黃蘗一兩

梔子三十枚

右五味哎咀以水五升煮取二升半分三服亦治蠱神良

治下痢絞痛腸滑不可差方

黃連

六兩

阿膠

鼠尾草

當歸

乾薑

略三兩

右五味哎咀若大冷白多以清酒一斗煮取三升分三服

若熱及不痛者去乾薑當歸以水煮之

黃連湯治赤白痢方

黃連

黃蘗

乾薑

石榴皮

阿膠各三兩

當歸二兩

甘草一兩

右七味吐咀以水七升煮取三升分三服  
茯苓湯治因下空竭欲死滯下膿血日數拾行羸篤垂死老  
少並宜服方

茯苓

黃蘗

黃連

龍骨

人參

乾薑

黃芩

桂心

芍藥

當歸

梔子人

甘草各半兩

赤石脂

兩一

大棗

十二枚

右十四味吐咀以水五升煮取二升分再服不差滿三劑  
此方主風虛冷痢最佳

女萎丸治熱病時氣下赤白痢遂成墮方

女萎各三分

烏頭

桂心各四分

黃連

雲薑各二分

芍藥各三分

代赭一分

右七味末之蜜和為丸如梧子大服二九大下痢宿勿食

清旦以冷水服之勿飲食至日中過後乃飲食若得藥力  
明旦更服如前亦可長服虛羸晝夜百行膿血亦差亦名雲寶丸  
治赤白下痢大孔蟲生悉皆差此名聖湯方

鼠尾草兩

豉

生薑

梔子人

酪

桃皮

握

右五味咬咀以水七升煮取二升半分三服一本單用桃  
皮以酒煮服之

治赤白滯下方

成煎猪膏

合三

清酒

合五

右二味緩火煎十沸適寒溫頓服之取差止

又方 酒四升煮錢四十文取二升分三服

又方 亂髮雞子大燒末水服不過三服

治冷熱不調或水或膿或五色血者方

酢石榴五枚合殼子擣絞取二升汁服五合差止

泄痢食不消不作肌膚炎脾輸隨年壯

泄注五痢便膿血重下腹痛炎小腸輸百壯

泄痢久下失氣勞冷灸下腰百壯三報穴在八魁正中央脊骨上灸多益善也三宗骨是忌針

泄痢不禁小腹絞痛灸丹田百壯三報穴在臍下二寸針入五分

泄痢不嗜食食不消灸長谷五十壯三報穴在俠臍相去五寸一名循際

泄痢赤白漏灸足太陰五十壯三報

久泄痢百治不差灸足陽明下一寸高骨之上陷中去大指歧三寸隨年壯

又屈竹量正當兩膀脊上點訖下量一寸點兩傍各一寸復下量一寸當脊上合三處一灸三十壯灸百壯以上一切痢

皆斷亦治濕匿冷脊上當膀胱點處不灸

又灸臍中稍稍二三百壯

又灸關元三百壯十日灸并治冷痢腹痛在臍下三寸也

赤白下灸窮骨惟多為佳

冷痢第八論一首 方三十二首

論曰舊治痢於貴勝用建脾丸多效今治積久冷痢先以温脾湯下訖後以建脾丸補之未有不效者貧家難以克辦亦無可將息也

温脾湯治積久冷熱赤白痢者方

大黃 桂心略三 附子 乾薑 人參各一兩

右五味咬咀以水七升煮取二升半分三服與前温脾小異

建脾丸治虛勞羸瘦身體重脾胃冷飲食不消雷鳴腹脹泄

痢不止方

鍾乳粉

兩三

赤石脂

好麴

大麥蘖

當歸

黃連

人參

細辛

龍骨

乾薑

茯苓

石斛

桂心

兩各二

附子

兩一

蜀椒

兩六

右十五味末之白蜜丸如梧子酒服十九日三加至三十

丸弱者飲服此方通治男女

集驗無細辛龍骨

增損建脾丸治丈夫虛勞五藏六腑傷敗受冷初作滯下久

變五色赤黑如爛腸極臭穢者方

鍾乳粉

赤石脂

兩各三

礬石

一方用礬石

乾薑

菹蓉

桂心

石斛

五味子

澤瀉

遠志

寄生

柏子人

人參

白頭公羽

天雄

當歸

石榴皮

牡蠣

龍骨

甘草

兩二

右二十味末之蜜丸酒服二十九日三加至四十九此二方止痢神驗

駐車丸治大冷洞痢腸滑下赤白如魚腦日夜無節度腹痛不可堪忍者方

黃連兩六

乾薑兩二

當歸

阿膠兩各三

右四味末之以大酢八合烱膠和之併手丸如大豆許乾之大人飲服三十九小兒百日以還三九暮年者五九餘以意加減日三服

大桃花湯治冷白滯痢腹痛方

赤石脂

乾薑

當歸

龍骨

牡蠣兩各三

附子兩二

白朮升一

甘草

芍藥兩各一

人參半一兩

右十味咀咀以水一斗二升煮木取九升內諸藥煮取二

又方  
升分三服膿者加厚朴三兩嘔者加橘皮三兩

龍骨兩六

厚朴

當歸兩各二

赤石脂兩五

右四味咬咀以水七升煮取二升半分三服熱加白頭翁

二兩半牡蠣三兩

桃花丸治下冷臍下攪痛方

赤石脂

乾薑兩各十

右二味蜜丸如豌豆服十九日三服加至二十九

倉米湯治小腹冷氣積聚結成冷痢日夜三四十行方

倉粳米半升淨淘乾漉

薤白一握去青切細

羊脂一升熬

香豉

三升以水一斗煎取五升澄清

右四味先以羊脂煎薤白令黃并米內豉汁中煎取四升

且空腹溫服一升如行十里更進一升得快利止若利不

止更服如前利後進粳米豉粥若復作更服一劑永差  
附子湯治暴下積且不住及久痢方

龍骨 甘草 芍藥 乾薑

黃連兩一 石榴皮大者一具 阿膠兩二 附子一枚

黃芩兩二 粳米合三

右十味咬咀以水八升煮取三升分三服

治卒下痢湯方

黃連兩五 生薑斤一

右二味咬咀以水五升煮取一升頓服未止更合服必定

治久冷痢下純白者此由積卧冷處經久病發遂令脾胃俱

冷日夜五六十行大小腹痛不可忍凡白痢屬冷赤痢屬熱勞

好麴米五升微熬令香粥清淳酒令熱和麴末一升

空腹頓服之日三服若至食時擣蒜一升令至熟下

薑椒末調和如常食之法惟須稠勿加鹽以水和麴  
二升作饀餅極爛煮之乾漉熱內蒜薤白中相和一  
頓食之少與餘食至飢時仍準前食麴末酒比至差  
來少食餘食以此法治不過兩日無有不差

治久冷或痢不痢但患腰腹苦冷方

上新蜀椒三升醋宿漬之以麴三升和椒一升緊拌  
煮作粥空腹頓服之加葱豉監任性調和不差更作  
以差為限不過三升椒即愈此不但治冷大治諸虛  
損冷極有所益久當自知耳

馬藺子丸治積冷痢下白膿方

馬藺子一分熟附子二兩

乾薑

甘草各二兩半

神麴

麥蘖

阿膠五兩

黃連三兩

蜀椒合五

右九味末之蜜丸如梧子服二十九日二以知為度酒調散服方寸匕亦佳

治三十年痢不止厚朴湯方

厚朴

乾薑

阿膠各二兩

黃連五兩

石榴皮

艾葉各三兩

右六味咬咀以水七升煮取二升分再服

四續丸治三十年注痢骨立痿黃腸滑不差方一名蠟煎丸

雲實

五合熬令香

龍骨三兩

附子

女萎各三兩

白木二兩半

右五味末之以蠟煎烱以丸藥如梧子大服五丸日三不

過五六服差

椒艾丸治三十年下痢所食之物皆不消化或青或黃四肢

沈重起即眩倒骨肉消盡兩足逆冷腹中熱苦筋轉起止須

扶陰冷無子方

蜀椒粒三百

熟艾升一

乾薑兩三

赤石脂兩二

烏梅百枚

右五味椒薑艾下篩梅著斗米下蒸令飯熟去核內薑椒末合搗三千杵蜜和丸如梧子服十九日三服不差至二十九加黃連一分

下痢九治數十年痢下氣消穀令人能食夏月長將服之不霍乱方

法麴升一

附子

乾薑

黃連

黃蘗

桂心各三兩

蜀椒兩二

烏梅半升

大麥蘗升一

吳茱萸兩四

右十味末之蜜和食後服如梧子十九日三加至二十九

三食三服亦可至四十九

麴蘗丸治數十年下痢不止消穀下氣補虛羸方

好麴

大麥蘗升一附子

當歸

桂心兩各二

蜀椒兩一

黃連

吳茱萸

烏梅肉

乾薑兩各四

右十味末之蜜丸如梧子食已服二十九日三服

烏梅丸治久痢諸藥不差數十年者消穀下氣補虛方

烏梅肉兩四

當歸兩三

桂心兩二

黃連

吳茱萸

乾薑兩各四

蜀椒兩半

右七味末之蜜丸如梧子食後服十九日三

治下痢腸滑飲食及服藥俱完出猪肝丸方

猪肝一斤熬令乾

黃連

烏梅肉

阿膠兩各二

胡粉七基子

右五味末之蜜丸如梧子酒服二十九日三亦可散服方

寸匕

烏梅丸治冷痢久下方

烏梅枝三百

乾薑

黃連兩各十

當歸

蜀椒

各四兩

細辛

附子

桂心

黃蘗

一方用人參

人參

各六兩

右十味末之以苦酒漬烏梅一宿去核蒸五升米下別擣如泥盤中攪令相得蜜和擣二千杵食前服如梧子十九日三服稍增至二十九

七味散治痢下久不差神驗方

黃連

分

龍骨

赤石脂

厚朴

各二分

烏梅肉

二分

甘草

一分

阿膠

三分

右治下篩漿水服二方寸匕日二小兒一錢匕

羊脂煎大治諸久痢不差方

亂髮

灰汁洗去垢膩燒末

黃連

末各一分

烏梅肉

二兩

酢

七合煎取稠

白蠟

兩棊子

羊脂

一棊子

蜜

七合煎取五合

右七味合內銅器中湯上煎之攪可丸飲服如梧子大三

千金方十五  
十九日三棊子大小如方寸匕

又方

黍米升二 蠟

羊脂

阿膠各二兩

右四味合煮作粥一服令盡即差

治大下後腹中空竭胃中虛滿不下食方

芍藥

甘草

半夏各二兩

厚朴

當歸

各三兩

生薑

五兩

桂心

三兩

右七味以水八升煮取三升分三服服二劑最佳

治下痢心胃滿不快腹中雷鳴或嘔吐方

黃連

五兩

橘皮

甘草

各二兩

龍骨

三兩

大棗

十五枚

人參

一兩

生薑

半夏

各三兩

右八味以水一斗先煮水一大沸乃內藥煮取三升

分四服并姪身良

斷痢湯治胃心下伏水方

半夏

升一

生薑

兩五

茯苓

甘草

龍骨

兩各三

附子

兩一

人參

黃連

兩各三

大棗

枚十二

右九味以水八升煮取三升分三服

治下後煩氣暴上香蘇湯方

香豉

兩五

生蘇

蘇一把冬用  
蘇子三兩

右二味以水五升煮取二升頓服之

治卒大下痢熱脣乾口燥嘔逆引飲瀉心湯方

人參

甘草

黃芩

橘皮

栝樓根

兩各一

黃連

兩二

半夏

兩三

乾薑

兩一

右八味以水六升煮取二升分三服

胡洽云治老小  
利水穀不化腹

中雷鳴心下痞滿干嘔不安無橘皮栝樓若寒加附子一  
枚渴加栝樓一兩嘔加橘皮一兩痛加當歸一兩仲景用

大秦十  
二枚

治夏月暴冷忽則壯熱泄痢引飲熱湯下斷變通身浮腫成  
冷下結脉沈細小數方

澤漆一兩半

吳茱萸

茯苓

白朮

桔梗

當歸

犀角

青木香

海藻

芍藥

大黃略二

右十一味咬咀以水九升煮取三升分三服下後消息五六

日許可與女麴散

女麴散治利後虛腫水腫者服此藥小便利得止腫亦消方

女麴升

乾薑

細辛

椒目

附子

桂心略一

右六味治下篩酒服方寸匕不知加至二三匕日三產後

虛滿者大良

治卒暴冷下下部痲悶方

燒磚令熱大酢沃之三重布覆坐上即差

疝濕痢第九

論二首  
方十首

論曰凡疝濕之病皆由暑月多食肥濃油膩取冷眠睡之所  
得也禮云君子盛暑之月薄滋味無食肥濃煮餅此時以不  
利人也養生者宜深戒之不爾多患疝濕耳

凡所患處或着口斷咽噎下部疝與月蝕並不痛令人不覺  
其治用五月五日蝦蟇角蒿救月木寒食泔淀但得一事單  
用之燒作灰和臘月猪脂傅之逐手便差極須慎口味耳

凡疝在慎鹽醬酢酥油棗等一切皆忌惟白飯豉苜蓿苦苣  
蕪菁不在禁限

凡吹藥入下部沒中指許深即止

治疝濕下黑醫不能治垂死者方

觸髅灰

重黃

朱砂

青黛

石鹽

丁香

麝香

礬石

梔子

葇苳子

鐵衣

乾薑

故靴底灰

乾蝦蟆

日者五

細辛

土瓜根

芥子

蜀椒

葶藶

昌蒲

各等分

右二十味治下篩以竹筒吹杏人大著大孔中所有患疔瘡上悉傳之其丁香麝香別研擣著藥中合之一方有寒食泔淀救月木楸葉為二十三味若病大者用灌方如左

麝香

丁香

甘草

犀角

各三分

右四味治下篩合和以鹽三合蜀椒三合豉二合以水二升煮取一升去滓內四味散合和分作二分灌大孔旦一灌酉一灌之凡久下一月不差成疔候大孔必寬者是以此主之

凡下血者是蠱也以八物茜根湯主之在蠱方中  
治疳濕久下痢赤白百療不差者方

兔頭骨

蛇頭

疥莫子

故緋並灰

葶藶子

狸骨一作狐骨

蜣螂

百草五月五日收

倒掛草

牀中枕木

青黛

晚蠶蛾

青礬

丁香

蠹虫屎

麝香

苦參

黃蘗

乾薑

角蒿

朱砂

印成鹽

救月木

桂心

鐵衣

芒消

蝦蟇

黃礬

桂子各等分

右二十九味治下篩以筒子內下部吹著日三度神方  
治疳濕不能食身重心熱脚冷百節疼痛方

黃芩

芍藥

苦參

甘草

當歸

蜀椒

甘松一作甘定

青黛

熏黃

豉各二兩

葱白握

東引桃根握

鹽合一

麝香兩半

猪膽枚二

右十五味咬咀以水一斗八升煮取四升分為二分一度

灌一分湯如人體然後著麝香猪膽一枚即灌灌了作葱

豉粥食之後日更將一分如前灌之七日忌生冷毒物等

但是油膩醬乳醋三十日忌之大佳

治疳蝕人諸處但是赤血痢久不差立著即差秘之方

五月五日蝦蟇

一作灰末

金銀土塢

人屎灰

各五兩一作後灰

麝香分一銀末

小豆

右五味治下篩傳瘡上即差三七日忌如前痢者吹下部

治疳痢不止方

苦參

甘草

熏黃各二兩

豉一分半

葱白五

蜀椒三十粒

右六味以苦參等三物各擣下篩以水五升煮葱白豉椒取三升以三指撮苦參末等各一撮內汁中冷暖如人體先飲少許豉汁食一口飯乃側卧徐徐灌之訖多時卧不出為佳大急乃出之於淨地當有疝濕蟲如白馬尾狀頭黑是其效也其重者肛大難差當取桃枝綿裹頭用前件汁適寒温烙之近脊烙之一上三十度烙乃差神驗

又方崔氏云晉代之地多五疝蝕人五藏通見脊骨下膿血及手足有浮氣或下血乃死治之方

雄黃

青箱各二兩

苦參三兩

礬石

雌黃

鐵衣

菝葜蘆各一兩

麝香二分

右八味治下篩以竹管內大孔中酸棗許吹內下部中日一不過三小兒以大豆許此方極救死

又方

大麻子 胡麻 各半

右二味並熬令黃以三升瓦瓶泥表上厚一寸待泥乾內  
大麻等令滿以四五枚葦管插口中密泥之掘地作竈倒  
立竈龜口底著瓦器承之密填竈孔中地平聚炭瓶四面著  
數壘之日沒放火燒之至明旦開取適寒溫灌疔濕者下  
部中一合尋覺咽中有藥氣者為佳亦不得過多多則傷  
人隔日一灌之重者再三灌之旦起灌至日夕極覺體中  
乏力勿怪也非但治疔濕凡百異同瘡疥癬並洗塗之  
論曰凡日月蝕時忌食飲腹中生蠱蟲及房室生子不具足  
必患月蝕瘡亦不得與兒乳日月生後乃不忌令人口臭齒  
斷宣露常有血出舌上生瘡者皆由犯此所致耳日月蝕時  
須救不救出行逢暴雨其救月杖須收取治蠱之神藥預備

患此者施之救療

治月蝕惡瘡息肉方

硫黃

藺茹

斑猫各等分

右三味治下篩傳瘡上乾者以猪脂和傳之日三夜一

又方

吳茱萸根

薔薇根

地榆根各三兩

右三味治下篩以鹽湯洗瘡傳之日三

小兒痢第十方首十

溫中湯治小兒夏月積冷洗浴過度及乳母亦將冷洗浴以  
冷乳飲兒兒壯熱忽值暴雨涼加之兒下如水胃虛弱則面  
青肉冷眼陷乾嘔者宜先與此調其胃氣下即止方

乾薑

厚朴各一分

當歸

桂心

甘草各三

人參

茯苓

白朮

桔梗各三

右九味咬咀以水二升煮取六合六十日至百日兒一服

二合半餘皆隨兒大小

溫中大黃湯治小兒暴冷水穀下或乳冷下青結不消或冷實吐下乾嘔煩悶及冷滯赤白下者良若已服諸利湯去實胃中虛冷下如水乾嘔眼陷煩擾不宜利者可除大黃若中乳乳母洗浴水氣未消飲兒為霍亂者但用大黃也小兒諸霍亂宜利者便用大黃不須利宜溫和者則除之方

乾薑

桂心

厚朴

甘草各一

當歸

人參

茯苓

白朮各二

大黃分六

桔梗分三

右十味咬咀以水二升半煮取八合凡兒三十日至六十

日一服二合七十日至一百日一服二合半二百日已來  
一服三合

黃蘗湯治小兒夏月傷暴寒寒折大熱熱入胃下赤白滯如  
魚腦壯熱頭痛身熱手足煩此太陽之氣外傷寒使熱氣便  
入胃也服此方良若悞以利藥下之或以溫脾湯下之則熱  
痢以利藥下之便數去赤汁如爛肉者或下之不差後以澀  
熱藥斷之下既不止倍增壯熱者服之即效或是溫病熱盛  
復遇暴寒折之熱入腹中下血如魚腦者服之良方

黃蘗

黃連

白頭翁

一作白斂

升麻

當歸

牡蠣

石榴皮

黃芩

寄生

甘草

絡二

犀角

艾葉

絡一

右十二味咬咀以水三升煮取一升二合百日兒至二百  
日一服三合二百餘日至其歲一服二合半

治中結陽丸斷冷滯下赤白青色如魚腦脫肛出積曰腹痛  
經時不斷者方

赤石脂

分五

吳茱萸

分三

乾薑

附子

當歸

厚朴

白朮

木蘭皮

白頭翁

黃連

黃蘗

石榴皮

各一

右十二味末之蜜丸如大豆三歲兒服五丸三歲已上服  
十九十歲已上二十九暴下者服少許便差積下者盡一  
劑更合之

治少小熱痢不止梔子丸方

梔子

枚七

黃蘗

分三

黃連

分五

礬石

分四

大棗

四枚炙

右五味末之蜜丸如小豆大服五丸日三夜二服不知稍

加至十九

治少小泄清痢藜蘆丸方

藜蘆分二

黃連分二

附子分一

右三味末之蜜丸如麻子大以粥飲服二丸立驗

治少小泄注四物梁米湯方

梁米

稻米

黍米各三

蠟如彈丸大

右四味以水五升東向竈煮梁米三沸去滓復以汁煮稻米三沸去滓復以汁煮黍米三沸去滓以蠟內汁中和之蠟消取以飲之數試有效

治少小壯熱渴引飲下痢龍骨湯方

龍骨

甘草

大黃

赤石脂

石膏

桂心

寒水石

栝樓根各二兩

右八味治下篩以酒水各五合煮散二合二沸去滓量兒

大小服之

治少小下痢若熱不食傷飽不乳大黃湯方

大黃

甘草

麥門冬各一兩

右三味咬咀以水二升煮取一升二三歲兒分三四服

生金牛黃湯主小兒積下不止因發癩方

生金

二銖一方用六銖無生金用熟金亦得法應作屑今方用成器者

牛黃三銖

乾薑

一分

細辛

一分

人參

一分

麻黃

二分

黃連

一分

甘草

一分

右八味咬咀以水一升六合煮取八合去滓臨服研牛黃

以煮湯中嫌兒熱者用生薑代乾薑今世之生金但用

成器金亦善二三兩皆得用也

澤漆茱萸湯治小兒夏月暴寒寒入胃則暴下如水四肢被

寒所折則壯熱經日熱不除經月許日變通身虛滿腹痛其

脉微細服此湯一劑得數後漸安神方

澤漆

海藻

青木香各一分

吳茱萸

三分

茯苓

白朮

桔梗

芍藥

當歸各五

大黃分

右十味咬咀以水四升煮取一升半二百日至一歲兒一服二合半一歲已上至二歲一服四合

治少小久痢淋瀝水穀不調形羸不堪大湯藥者宜此枳實散方

枳實二兩治下篩三歲已上飲服方寸匕若兒小以

意服日三

治少小洞注下痢方

菟藜子二升擣汁温服以差為度

又方 木瓜取汁飲之

又方 炒倉米末飲服之

又方 酸石榴燒灰末服半錢七日三服

又方 狗頭骨灰水和服之

又方

羊骨灰 鹿骨灰

右二味並水和服之隨得一事即用之

又方

炒豉令焦水淋汁服之神驗冷則酒淋服

又方

五月五日百草末吹下部

治小兒赤白滯下方

薤白一把 豉一升

右二味以水三升煮取二升分三服

又方

柏葉一升 麻子末一升

右二味以水五升煮取三沸百日兒每服三合

又方 擣石榴汁服之

又方

亂髮灰

鹿角灰分

右二味三歲兒以水和服三錢七日三

又方

牛角鯁灰水和服三方寸匕

又方

燒蜂房灰水和服之

治小兒赤白痢方

白蘘荷根汁

生地黃汁各五合

右二味微火上煎一沸服之

又方

單服生地黃汁一合

又方

五月五日蝦蟇灰飲服半錢匕

治小兒熱痢方

者煨木瓜葉飲之

治小兒冷痢方

芣菜搗汁量大小飲之一作芥菜

又方 搗蒜薄兩足下

治小兒暴痢方

小鯽魚一頭燒末服之亦治大人

又方 燒鯉魚骨末服之一方作龍骨

又方 赤小豆末酒和塗足下曰三油和亦得

治小兒蠱毒痢方

藍青汁一升二合分為四服

治小兒渴痢方

單搗冬瓜汁飲之

備急千金要方卷第十五下